



Theodore
Besterman

I. L I P S I
D E R E C T A
P R O N V N C I A T I O N E
L A T I N Æ L I N G V Æ
D I A L O G V S.

Editio vltima.



A N T V E R P I A E,
E X O F F I C I N A P L A N T I N I A N A,
A p u d I o a n n e m M o r e t u m.
c l o . I o c . i x .

Cum Privilegijs Casareo & duorum Regum.

I L P S I

C E R E T A

PROVINCIA

LATINA LINGVA

DIALOGVS

Edidit vltima



VERBIS

PLAUSIVS

Apud Johannem Moerum.

CL. IX.

Cambridge: J. B. Shaw & Sons, 1891.

AD ILLVSTREM V.

3

P H I L I P P V M

S I D N E I V M

EX ILLVSTRISSIMA

WARVICENSIVM

S T I R P E.



VÆRIS à me ferìò , Vir
illusttris P H I L I P P E
S I D N E I E, de Pronuncia-
tu Latinæ linguæ quid
sentiam ? germanúmne
& verum hunc , quo
nunc vtimur : an alium
fuisse antiquitus , qui,

vt multa alia, exoleuerit tenebris ignorantia
obrutus & longi æui. Tenuis subtilisque in-
quisitio: nec scio an non gloriæ solùm expers,
sed & fructus. Illam enim quî speres ex agel-
lo tam sterili ? quem ipsum quòd colimus &
inuertimus paullò studiosius , carpent magis
quàm ignoscent. Ambitionem appellabunt,
& friuolam in paruis iactantiam. Quî etiam
fructum ? cùm & pauci hæc ad animum siue
aures admittent: & si qui; tamen hætenus, vt
scire ea velint, non vti. Quis enim erit ille

A 2

tantis

tantis ceruicibus, qui primus hæc nouata inferet siue efferet? qui os aperiet contra vulgi totius sensum, contra etatum aliquot consensum? & si faciet, quid merebitur nisi risum? Itaque ego ipse qui hæc adsero, noscere ea satis habeam, non promere: nec vumquam illuc impellar, vt brachia dirigam contra imperitiæ hunc torrentem. Quis ergo finis? tibi ô SIDNEIE parère. quia durus, siue improbus, si illi quidquam negem, *cui dii ipsi* (vsurpabo Laberianum illud de Cæsare) *nil negauerunt.* Corporis tui bona intueor? ad robur pariter factus es, & ad decorem. Animi? cultissimus ille: & vberrimæ in te ingenij iudicijque dotes. Externa? stirpe nobilissimus es, opibus splendidissimus. nec quidquam facilè tibi deest, quod Nature aut Fortunæ adest. Maacte his dotibus! eò magis, quòd non ad ambitionem, vt pleraque ista nobilitas, aut ad pompam abuteris: sed confers eas, quà potes, ad tuam & publicam salutem. Idque domi & foris, togâ & sago: cum vegeta illa animi vis ad omnia sufficiat: & Marti ita lites, vt sacrum numquam deferas Sophiæ & Musarum. Quod Archilogus ille de se gloriatus olim; tu magis iure:

* Sum quidē
ego famulus
cultorq; Dei
armipotētis:
Sed tamē &
Musarū in-
eluta dona
habeo.

* Εἰμὶ δ' ἐγὼ θεράπων μὴ ἐναλίοιο ἀνακτοῦ,
καὶ μεσέων ἐρετὴν δάδην Ἰησιάμην.

Sed libo hoc laudum tuarum limen, non penetro.

netro. quia vt sacra cum silētio potiùs, quàm
 plausu spectamus: sic tuas ego virtutes. quas
 veneror, non exsequor; adoro penè dixerim,
 non adorno. Tu tantum, ô Britanniae tuae
 clarum sidus, (cui certatim lucem affundunt
 Virtus, Musa, Gratia, Fortuna) tenuem ob-
 scurumq; hunc laborem à me libens accipe,
 & paullisper instar doni pendere patere in
 Famæ templo. Non enim vt verum legiti-
 mumque donum: sed vt illius obsidem, &
 velut sponforiam tabellam. Alia sunt te &
 me digna. quæ dabo, dedicabo, si viuam:
 atque ita viuam.

Salue à L I P S I O. qui scripsi hæc Lugduni in
 Batauis xvi. Kal. April. ∞ . I O. L X X X V I.



LECTORI MEO

SALVTEM DICO.



ACCIPE, Lector, Grammaticum hoc à me opus
 tenue, subtile, imò vile. Laudem quaesierim? lu-
 dum. Medici iamdiu abesse me iubent ab omni cu-
 ra: absum. seria non ago: & tamen ne nihil agam
 (id est, ne mortuus ambulem inter viuos,) hoc ago
 Tesseris aut talis tempus fallunt alij: mihi nugæ &
 nuces hæ placite puerorum. Scilicet ad elementa mea redij, dum cor-
 pus quoque paulatim ad sua. Carpis? magni à me, & qui ante me
 auctores. Senatores, atque ipsi Principes fecere hæc olim: & nostrum
 ævo Scaliger ille Cæsar, qui non vilior mihi Augustâ omni stirpe
 Gallinæ ova quadam subuentanea edunt, paritura mox vera: nobis
 interdum fas, ingenij istos inanes fetus. Nec minui mur per hæc mi-
 nuta, si reipsâ magni. non magis quàm columna, si in vallem demitti-
 tur: quæ apparebit minùs alta, non erit. Myrmecidis quadrigæ au-
 formicæ, Praxitelis operibus granditate cesserint; numquid arte
 Nec opus tamen magno opere excuso, magis eius modum. Produxi
 enim fortasse, quàm conueniebat, longiùs. agnosco. sed rerum id inge-
 nio, non meo. Ego paucorum Capitum rem censebam: factus liber est
 dum vara vibiam sequitur, & cathena me trahit coherentium in-
 ter se rerum. Syrtes in terrâ Africâ esse dicuntur, in quibus homi-
 nes obruantur æstu reciprocantium arenarum. illæ hic sunt: &
 Scholicum hunc puluerem qui semel ingressus, cùm poterit exibat, non
 cùm uolet. Cur tamen acriter excussem? Grammaticus per con-
 temptum sæpè audiui. En, fauere conuicio huic semel volui, &
 Grammaticum me approbare bonâ fide. Tu, Lector, his frui re: e-
 lege, ut gradum tibi ad maiora & altiora struant. Vale.

DIALO

DE RECTA PRO- NUNCIATIONE LATINÆ LINGVÆ

CAPVT I.

*In Italiam meus aduentus. Mureti ibi reperti laus. ad sermonem hunc
preparatio: & quiddam de iuuenilibus meis scriptis.*



DOLESCENS in Italiam cū venissem: acce desiderium mihi res antiquas noscendi, & viros, qui eas docti. Inflammabar cupidine doctrinæ veteris: & magni apud me omnes illi, qui in eâ essent magni. Inter quos M. Antonium Muretum iure censebam. virum, in quo non eruditio solū varia, sed comitas etiam

*M. Antonius
Muretus.*

& lepos multus. Atque vt illâ nos exteros in admirationem sui rapiebat; ita istâ in amorem. cū erga omnes tam prompta ei humanitas, vt rarò domus aut lingua eius cuiquam essent clausa. Itaque & mihi crebra ad illum initio: nec facile reditio, nisi cum fructu aliquo & velut doctrinæ spico, quod colligebam ex fæcundo illo agro. Quod accidisse mihi recolo statim sub initia: cū pereger adhuc & nouus ad illum viserem, tunc æstiuantem in Quirinali. Nam patronus eius Hippolytus Estensis, vir nobilis iuxta ac splendidus, domum ibi alteram habebat in despectu & crepidine ipsâ collis: salubrem aëre, amœnam hortis, laxam ædificijs, adornatam picturis, statuis, & cetero omni elegantiarum cultu. eoq̃ se conferre cum plerâque familiâ solitus sub æstiuos dies. Ibi igitur cū Muretus, perrexi & conscendi ad eum satis manē. æstum enim vitabam, qui, vt mense Iulio, in ijs locis grandis. Atque cubiculum eius cū pulsassem, dictus mihi à puero in hortis esse.

*Domus Car-
dinalis
Estensis.*

esse . quos iniens , video eum molliter sanè ac lentè inambulantem cum libello . Salutaui . atque illo nec audiente , vt videbatur , nec respondente (lectionis enim totus erat :) ego iterum , Vacasne Murete ? an intempestius aduenio ? dic , fodes , & abeo . Iamque auertebam . sed ille quasi excitatus , blandiore ad me voce & accursu , Tun' Lipsi es ? inquit . ignosce . dum vnunte video , te non video . Quidnienim videre te dicam & tenere in hoc libello , in quo imago ingenij tui tam expressa ?

*Varia lectio-
mes nostra.* Nostin' hunc ? (& simul Varias meas propius admouit , quas Antuerpiâ recenter erat nactus .) auidè & calidè legebam : nec , ita me deus amet , explebar . Et ô pulchrum pulchri ingenij tui factum ! Vulpecula tamen hominis , cur me celasti ? Erubueram ego ad laudationem eius , & ad libri conspectum . & , Itane properiter , inquam , ad te hæ nugæ ? quæ quidem delatæ in tam cultas istas oras , audace nimis & infelice pennâ . Placituras eas alijs quî sperem ? odi ego pater . & (verbo dicam) perisse vellem : adeo non lætor peperisse . At quòd te celauerim , ne culpa , per absentiam enim meam editæ : & nec nunc quidem in manu mihi exemplar . Ceterum non ista , Murete , (ne nescias) vobis Italis & togatis scripta , sed braccatis meis & pellitis . itaque nec si habeam , prodam . Ille subridens , Hem ! inquit , tàmne inclemens in nouam istam prolem ? quam tamen deprimis & abijcis frustra . tollam enim ego , & velut Leuana ero tenello huic fætu . Quid autem meruit libellus tersus , lepidus , & in quo ingenij iudicijque tui præclaræ notæ ? Ego excipiens , Certè , inquam , notæ : sed ingenij ac iudicij iuuenantis . Quàm vaga & vana pleraque illa scriptio ? censuræ quàm leues , futes , & sæpè falsæ ? Repeto iterum . pudet & piget genuisse , sperno alleuare aut educare . Tantum nunc ad iudicium vel annus vnus addidit , vel cælum hoc Italiæ vestræ . Muretus iam feuerior , Parce , parce , inquit : in adfectatâ istâ feueritate peccas . Nam vt liberè & vt mos meus dicam , Non ego librum tuum vsquequaque à culpis præstem (video alibi in stilo iuuenilem luxuriem , in censuris calidius iudicium :) sed tamen nec vinum , vinum esse definit , siquæ in eo aliqua pars : nec liber tuus adprobus , si labeculæ interspersæ aut errores . Vtique in Critico isto genere . quod quis percurrit sine lapsu ac relapsu ?

non

non Varrones illi aut Ælij olim, non Scaligeri hodie aut Turnebi. Itaque fide Lipsi, & perge in hâc viâ. quam si firmiori paullo pede (ætas hoc dabit) insitis: profectò Musa tibi ferit, vt cum Pindaro dicam, * ἐπιθεῖτον δόξαν. Benignè nimis & honestè, inquam. sed tu mone, quæso, sicubi aberrem, ac dirige: obnoxium reperies & pàrentem. Vt enim viti pedamentis quibusdam ac ridicis opus est, ne iaceat: sic iuuentuti monitis, ne cadat. Fiet hoc quoque, ait ille. nec minùs monere amicum ego promptus, quàm laudare.

* amabilem
famam.

CAP. II.

Ad sermonem hunc ingressio. Prædictum de dignitate & de fructu cognite Veræ Pronunciationis. Suetonius correctus.

SED ne plura dete, apud te: ecce cùm maximè intrabas Lipsi, audis lector ego in * sermone tuo conuiuiali, qui de Effatu prisco est Latinæ linguæ. audis, sed non satur: quia par-citer conuiujs tuis suggeris, nec imples nos cupirâ illâ dape. Diu iam ipse quæro, quæ vetus illa & vera pronuntiatio: sed adhuc eo fructu, vt quærens assiduè, magis quæram. Oram aut finem repperi nondum. Tu autem quid? inijcis quædam & obijcis, sed ad extremum nil decernis aut statuis: & cùm nos dos aliquot benè nexuisti, pendulum & iudicij incertum relinquis lectorem. Vt apis iniecto & relicto aculeo fugit: ita tu. Ego arridens, Adeò hoc non nego Murete, inquam, vt profitear vltro hanc solam mihi fuisse mentem. Vos magni Senatores hæretis hîc & controuertitis: ego de plebe litteratorum interponam decretorium stilum? plus oris mihi, plus cordis. Quis igitur sermoni meo finis? ille; vt inquirente eo velut pugiunculo, elicerem & educerem iudicia vestra. Caprificum aiunt, cùm ipsa maturas ficus non gignat, insecta tamen quædam producere quæ veras ficus maturent, scalpendo, morsicando. eadem mihi mens, vtinam & effectus! Litem ego ad tribunal attuli: tu, aut tui aliquis similis, decidito eam Prætor. Sed tu Murete potius, qui idoneus valdè Palæmon ad sedandos Grammaticos hos fluctus. Muretus resiliens, Me huc vocas? inquit. ineptè. Adeò enim alios hîc sistere non idoneus, vt

* Quæ inferui
secu. do lib.
Variat.

Difficilis in-
quisitio pri-
scæ pronun-
tiationis.

De quâ parvū
plene ego olim
scripsi.

*Tennis etiam
inquisitio: &
vulgi iudi-
cio, sine di-
gnitate.*

*At non sensu
meliorum, &
melioris aui.*

*Principes vi-
vi olim in
Grammati-
cis curis.*

*In Suetonio
emendatio.*

*Quatenus
hac tractan-
da.*

*Qua utilitas
eorum.*

*Occultam
eam esse, at
non patuam.*

fluctuer ipse ego. Nec tamen fugiam nimis, fateor, sermonis huius viam (præsertim si secanda illa tecum:) nisi tenue illud me absterreat & inutile quæstionis. Quæ enim hîc dignitas: qui fructus? Anxia inquisitio Lipsi, nec res tota tanti. Et sane peccamus iam sæpè curiosâ istâ curâ nos litterati. Quidam eo ingenio siue vitio oculorum esse feruntur, vt de die cæcutiant, in tenebris cernant. vide ne nos ijs similes, qui ad minuta & tenebrosa hæc acriter oculos pandimus, claudimus ad Sapientię lucem. Ego iam iritator, Moram Murete inijs, inquam, sed, cum Plauto nostro dicam, morè. Vilescit tibi hic sermo. Itane? scilicet Mureto aut Lipsio indignum decurrere Grammaticum hoc æquor, quod tot olim Senatores, imò ad- do, Imperatores? Messalla orator, è clarissimâ Coruorum gente, non librum integrum De vnicâ litterâ S. composuit? & cum laude quidem nominis sui, adeò sine fraude. Claudius Imperator, quantâ curâ, & pænè dicam ambitione, tres nouas litteras inuexit, ijsque Romanam linguam auxit? non aliâ, quàm si totidem regnis imperij fines. Iam Cæsar ille Iulius De Analogiâ, id est leuibus Grammaticorum tricis, binos libros conscripsit: & triumphales illas epulas variare & interstinguere non erubuit scholicâ istâ dape. Augustus ipse maiestatis suæ vsque- cò retinens Princeps, vt deorum sibi honores vindicaret adhuc viuus, quàm sollicitè apud nepotes suos, quid & quomodo scriberent, cauit? Quin ipse eos & litteras & notare (ita in Suetonio legimus, non *natare*, quod obtinuit, & quod remotius à Tranquilli mente) *aliaque rudimenta per se plerumque docuit: ac nihil æquè laborauit quàm vt imitaretur chirographum suum.* En, ad ferulas istas seriò descenderunt ipsa sceptrâ: & nos fastidimus ac delicias facimus, si per lusum in ijs consumamus pauca verba? Dico per lusum. ne tu curiosas mihi curas ingeras: quas tecum sperno, & inter remissiones hoc agi saltem postulo, ambulando, garriendo. At enim non istis fructus. Quis dicit? Pullati fortasse & bullati. at non hoc mei purpurati quos adduxi, non magni omnes viri, apud quos ea semper magna. Speciem non habent, fateor; rem certè & vsum. Vt stirpe arbores, fundamento ædes; sic litterarijs istis elemētis ardua illa doctrinarum nixa, & Sapientiæ ipsa templa. Sed vt ista latent, etiam illa.

illa. Ecce in naui vela & arma omnia oculis se munus-
 que suum ingerunt : delitescit in puppi gubernator ille cla-
 uis. idem in scientiarum isto corpore cense : in quo speciosæ
 aliæ, aliæ occultæ sed efficaces . Quamobrem, in Murete, ag-
 gredere, & fuge formidines istas vani vulgi. Ille cum risu ma-
 num mihi premens, Vellem tuam hanc Formidinem, inquit:
 quâ callidè in retia ista me compellis . Sed tunc valdè vacuus?
 Quid iam! inquam . Quia, inquit, longiorem textum præui-
 deo huius sermonis: qui nec ordiendus est, si abrumpendus.
 Alacriter ego: At non Vacuna magis vacua Murete, quam ego.
 Lustrare, vagari, discurrere, hoc opus meum Romæ. Age, inci-
 pe cum deo. Ille doceat, ducat, inquit. sed ego te prius, nisi ab-
 nuis, ad viæ huius caput, extra æstium qui adfurgit . Valdè pla-
 cet, inquam. & en, opportunè hîc scamellum sub statuâ ipsâ
 facundi dei. (Mercurius ibi è marmore.) insidemusne? Inside-
 mus, ait Muretus, vel ominis certè causâ; vt mentem eius par-
 ticipemus, & interpretem linguam. Sed heus tu, in parte scili-
 cet iuuabis? In partu, inquam ego. nam, vt Socrates ille tuus
 (quem ita amas vt in * anulo gestes) obstetricis munus fungi se
 ait, & interrogando, dubitando, elicere veritatem : sic ego
 parturientem te aliquid fortasse iuvero mouendo, quærendo.
 Ille risit, & sic cœpit.

* Effigie eius.
 veteri signa-
 bat.

CAP. III.

*Quæ causâ corruptæ Pronunciationis? Ea aliùs petita, à propagatione
 sermonis: quæ per Romanum totum orbem. Afros, Gallos, Hispanos,
 Britannos Latinè vulgò sciuisse. Hanc causâ corrupti soni germa-
 ni: item Barbarorum incursum. Italica lingua quando cæperit? Pe-
 nula Grammatica vestis. Capellæ, Augustino, Tacito lux.*

PRIVS QVAM hoc stadium seriò ingredior, Lipsi; si
 placet, ad carceres ipsos paullùm resistam. Nam corru-
 ptam aliâque à veteri Pronunciationem nostram esse, vni-
 uersus hic sermo te docebit: quomodo, quibusque causis, non-
 ne iure breuiter prælibabo? Mihi videor, ad rei tuamque lucem.
 Lingua igitur, quam Latinam appellamus, exiguis olim fini-
 bus, vt ipsa gens, contenta, circa Romam ferè & finitima in-

*Haud latè
 fusa olim
 Rom. lingua.*

*Varia Italo-
rum gentes,
sermone va-
riabant.*

*Romani par-
ci & tardi in
comunican-
dâ suâ lin-
guâ primiti.*

** Siti enim
in Olsis. &
tamen quia
colonia Græ-
canica, su-
perari & de
Græcâ pollis.*

Postcâ largi.

*Quomodo
diffuderint?*

*Per colonias
primò.*

*Vii & Graci
olim suam.*

** Ex Liuij
xixl.*

** Plutarchus
in Crasso.*

fero Tiberi hæsit. Italiam ceteram adeò non peruasit, vt quæ-
que gens suo vsa sit, & diuersissimo ab hac sermone. Volsci,
inquam, Osci, Hetrusci, Samnites, Brutij, Apuli, peculiæres &
suæ indolis linguas vsurparunt: quas diu, aucto etiam imperio,
tenuerunt. Nam Romanis etsi arma inferre finitimis acris cura
fuit: non etiam mores, sacra, linguam. quin contrà, aliquam-
diu arcuisse ista videntur, & communicari ea cum alijs recu-
sasse. Certè vt beneficium indulgère, & veniâ ad eam rem opus
ac permisso. Liuius clarè suggerit, lib. XL. *Cumanis* (* Osci, aut
Græca eorum lingua) *eo anno petentibus permisso, vt publicè* (id
accipio de scriptis decretisque publicis) *Latinè loquerentur, præ-
comibusque Latinè vendendi ius esset.* Hoc narrat sub annum Vr-
bis DLXXIII. Vt videatur etiam tunc, post Punica bella finibus
valdè auctis, haud valdè auxisse lingua. At mox immensum:
& diu coërcita, velut rupto obijce, se effudit. Occasione qui-
dem & causâ duplici. Missu primùm coloniarum: deinde,
Communione ciuitatis. Nam de colonijs; cùm Romani eas
spargerent, firmando imperio, per omnes gentes: necessariò vnâ
etiam linguam. quia numerosi isti coloni: & æquabant ple-
rumque aut superabât ciuium veterum partem. Ita si commer-
cia aut colloquia futura inter eos: alteros in alterorum linguam
migrare paullatim necessum erat. & quos potius, quàm qui vi-
cti? Ingenium & natura ipsa ita fert, vt flectât se omnia ad mo-
res, cultumque victoris. & imprimis sermo: cuius lenis & lenta
mutatio grauis nemini, curiosis nonnullis suavis. Discendi
enim speciem habet, & sciendi. Hæc ratio incredibile quàm
citò, quàm latè, diffuderit Romanum hunc sermonem: & fru-
gifera semina eius iecerit per orbem terræ. Non aliter quàm
Græcos olim, hac ipsâ viâ, propagasse obseruo suum. Colo-
nijs enim interspersis, Asiam illam totam minorem impleverunt
scientiæ & linguæ: inde Rhodum, Cyprium, insulasque finiti-
mas. sed & loca mox sita longiùs, Siciliam, Italiam (ora enim
illa maris quæ magna Græcia dicta, habuit & linguam:) quin
Massiliensium operâ Galliam ipsam, & Hispaniam per Em-
porienses. Denique in Syria, & Orientis magnâ parte, imò
apud ipsos Parthos, * auctores mihi, valuisse & increbuisse
hunc sermonem. Iam causâ altera, Communio ciuitatis. Ro-

mani

mani videlicet paullatim munes magis & benigni, ius illud grande suæ vrbis, non solum cum aditis gentibus communicarunt, Etruscis, Vmbris, Samnitibus alijsque Italarum: sed & cum diffitis. nec pudori ijs, non dicam Græcos & palliatos, sed barbaros & braccatos miscere suæ togæ. Res clara. At qui donati eo iure: quomodo vti frui honestè eo poterant, sine conscientia linguæ? quomodo ciues Romani haberi & censeri, nisi vt Romanè intellegerent ac sonarent? Quin adeò nefcisse id, non turpe solum, sed periculo iunctum: vt exstent exempla, ob vnam hanc noxam, ademptæ ciuitatis. Claudius certè Imperator, * *Splendidum virum Graciæque prouinciæ principem, verum Latini sermonis ignarum, non modò albo iudicum erasit, sed etiam in peregrinitatem redegit.* Iamque Romani honorem suum agi palam censebant, in honore suæ linguæ. * Ita ne legatis quidem gentium exterarum permissum in curiâ, nisi per interpretem, loqui: ijsque Latinè semper responsa data. Primus Molon Rhetor in Senatu auditus gētis suæ linguâ, circa annum Vrbis DCLXXII. Idque seruatum non in vrbe tantum nostrâ, ait Valerius, *sed etiam in Graciâ & Asiâ. quò scilicet Latine vocis honos per omnes gentes venerabilior diffunderetur.* Quin nec Præsides prouinciarum aut Prætores, nisi Latinè ius dicebant: & quidquid publicè gestum, elatum eâ linguâ. Adcò vt Tiberius Imperator (Suetonio scriptum) *militem Gracè testimonium interrogatum, nisi Latinè respondere vetuerit.* Benè igitur & verè * Augustinus, de hac Romanorum, vt ipse interpretatur, ambitione: *Data est opera, vt ciuitas imperiosa non solum iugum, verum etiam linguam suam domitis gentibus per pacem societatis (corrigi velim, sociatis, aut certè, speciem societatis) imponeret.* At * Plinius beneficentiam id accipit; & meo animo, in Italiæ laudibus iure ponit, *quòd tot populorum discordes ferasque linguas sermonis commercio contraxerit ad colloquia, & humanitatem homini dederit.* Præclarum enim reuerà donum, & exitu vtile, quacumque tandem id finì à Romanis. Separatio illa linguarum, gentem à gente separat: & vt vetus quispiam scripsit, *efficit loquendi varietas, vt externus alieno non sit hominis vice.* Ita sparsa igitur, bono generis humani, hæc lingua: tam longè, latè, vt Plutarchus scripserit, *omnes ferè homines, suo æuo, eâ vsos.* Pauca,

*Dauid, per
communica-
tāritatem.*

*Turpe enim
ciues linguā
nescire ciuiū.*

*Imò & peri-
culosum.*

* Sueton.
cap. xvi.

* Hæc Vale-
rii lib. ij.
cap. ii.

*Solus Rom.
sermo publicè
in vsu.*

* Lib. xi.
de Ciuit.
cap. vii.

*Corrigitur le-
uiter Augu-
stinus.*

* Lib. iiii.
cap. v.

*Vtilis hac
diffusio hu-
mano generi.*

sed notanda eius verba, in Quæstionibus Platoniciis, hæc: *ὡς δοκεῖ μοι πρὸς ῥωμαίων λέγειν, ὧν μὲν λόγῳ νυνὶ ὁμῶς πάντες ἀνθρώποι χρῶνται.* Sed sparsa tamen versus Occidentem Septentrionesque ma-

Quæ tamē in nostris oris maximè.

ximè: quia Græci & Orientales, haud æquè faciles cedere & fasces submittere sermoni, quem præ suo putabant parum cultum. At Afri, Galli, Hispani, Pannonij, Britanni, auidè arripuerunt: & inducto nouo, paullatim abolitum iuerunt vete-

Afri, Latini:

rem sermonem. De Afris, Apuleius in Floridis index: & Augustinus, Cyprianus, nostrique illi procures, qui plebem in sacris conuentibus allocuti sunt Latine. Conciones nōne ex-

Galli pariter:

stant? De Gallis, & quidem iam inde ab Augusti æuo, Strabo: *quos negat dicendos vltra Barbaros, μετακειμένους τὸ πλεον ἐς τὸν τῶν ῥωμαίων τύπον καὶ τῇ γλώττῃ καὶ τοῖς βίοις, πᾶς δὲ καὶ τῇ πολιτείᾳ, mutatos iam in Romanum morem, καὶ linguὰ καὶ vitά, quosdam καὶ civili*

Item Hispani:

gubernatione. Idemque de Hispanis: οἱ πρὸς τὸν βαῖτιν, τελείως εἰς τὸν ῥωμαίων μέθεξι βλήνται τρόπον, οὐδὲ τῆς διαλέκτου τῆς σφετέρως ἐπὶ μεμνημένοι.

Pannonij, & Britanni.

qui ad Batim colunt, plenè planeque conuersi iam in Romanos ritus, adeò vt nec sermonis sui patrij meminerint. Et Velleius, de Pannonijs: In omnibus Pannonijs non disciplina tantum, sed linguæ quoque notitia Romana. Nec ambigam etiam de Britannis, ex Tacito, qui de Agricolâ eorum Præside: iam verò Principum filios liberalibus artibus erudire, καὶ ingenia Britannorum studijs Gallorum anteferre. vt qui modò linguam Romanam abnuebant, eloquentiam concupiscerent. Itaque ex fide, Iuuenalis:

Gallia caussidicos docuit facunda Britannos.

Qui idem, etsi per Satyricum risum, ostendit de Thule. Atque hæc, Lipsi, diffusio Romanæ linguæ. de quâ ego satis fusè, vt causas hinc peterem confusæ Pronunciationis. Hæc enim prima veraque occasio. quòd sparsa lingua per gentes tam varias, variauit ipsa: nec patrium illum colorem diu tenuit, aut succum. Vites arboresque translatae degenerant: cur non & sermo? Aquæ in fonte suo aliter, aliter in riuus sapiunt: sermonem tu vbique indolem suam seruare vis? Non potuit. & colorem, vt ita dicam, saporemque mutauit transfusus in tot gentium canales. Ipsos Italos abisse in pronunciando à germanitate illâ * Cicero fatetur, quæ in Romanis: Prænestinos Plautus irridet, verba quædam vitiosè efferentes: in nobis barbaris

Tam latè fusæ lingua, putæ non mansit.

* III. De Oratore.

baris horum nihil sit? Qui iam inde sub initia, vt opinor, rectam pronuntiandi lineam firmiter numquam institimus: & magis ab eâ excidimus, post mixtionem & influxum tot gentium barbararum. Gothi, Hunni, Vandali, inserti nobis; nec vitium aliquod sermoni fecerit hæc contages? magnum. præsertim cum non perambularint hæc loca, sed infederint; & vt Romani, arma sua pariter intulerint, mores, linguam. Hoc modò interfuit, quòd mansio eorum minùs diuturna. Itaque non Pronunciatio tantum per eos corrupta sonique verborum, sed ipsa verba; & facta ex variâ illâ facie miscella quædam & noua lingua. Hinc Italica ista originem suam habuit, hinc Gallica & Hispana: in quibus Latij vestigia clara vides, & semen prisca ortus. Igitur Festus iure scripsit: *Latine loqui à Latio dictum est: quæ locutio adeò est versa, vt vix vlla eius pars maneat in notitiâ*. Ego hîc interpellans, Hôcne Festus? inquam. & iam tum illo æuo ita desita prisca lingua? vix, Mu- rete, fides. Mihi hoc fidum, inquit. & ante mille annos in vsu & vitâ fuisse Italicum hunc sermonem scio, languido aut e- mortuo Latino. Argumentum mihi ex narratione, quæ in Hi- storiâ Miscellâ, de rebus sub Mauritio Imperatore gestis. Air: *in exercitu cum animans cecidisset, clamante quodam* *TORNATOR- NA FRATER, *vniversas copias in fugam versas ambiguo illo vocis*. Agnoscis clarè Italicissimum in ijs verbis. Et alterum firmitus, ab instrumento quod Lutetiæ in Bibliothecâ Regis adseruatur. Transactio eo continetur Stephani tutoris cum Gratiano pu- pillo, scripta anno Iustinianæi imperij trigessimooctauo; & scripta hac vulgare linguâ. At si sermo ipse Romanus periit: quâ ambiges de sono? id est, de re fragili ac flexili, & ad om- nem occasionem factâ frangi. Sed enim sermonem è libris iterum instaurauimus. Ita, sed quâ arte istum? non enim scri- bitur aut pingitur: nec hauriri eum fas nisi à viuâ voce. Quid verba facio? sponsione prouoco, Ni tam corrupta hodierna pronuntiatio ista sit, vt si quis è veteribus Togatis illis pro- deat & nos audiat: non audiat, & vix verbum capiat è denis meis verbis. Sed exspatior fortasse. rem nunc aggredior, & cal- care incipiam has spinas. Tu penulam mihi, Lipsi, das? Quid ita? inquam. Vt seriò Grammaticum agam, ait: & eâ me ve- lem

Pronunciatio germana agrè migrat in externos.

Et quod eius fuit, hostes corruptè ac Barbari.

Per eos noua lingua inue- sta.

Confusanea illa Italica, Gallica & Hispana, Latina matris notha proles.

Quâdo Ita- lica cœpisse videntur.

* Quod Ita- lis, Verre, aut Redi.

Si sermo cor- ruptus: qui non pronun- ciatio?

Quæ à viuis ad viuos tan- tum puriter transiit.

Quanta hac corruptio?

Penula, olim Grammati- corum proprium.

lem in has puncturas. Nam, ne nescias, veterum Grammaticorum ille mos, penulâ vestiri. Martianus Capella doctè & scitè ingerit, qui libri III. initio Grammaticam suam, *in Senatum deorum ingressam* describit *penulatam*. Augustinus I. Confessionum ab hac ipsâ causâ, minutos istos Magistros dixit penulatos. *Quis autem penulatorum magistrorum audiat aure sobria, ex eodem pulvere hominem clamantem, Fingebat hæc Homerus, &c.*

Etia Aduocatorum, aut patronorum.

Tacito lux. Et quod genus ea vestis;

** Artemidor.*

ri. Lacernam intellege, quæ penulâ haud absimilis

** Ita Græci penulam, siue penulam.*

Et iam apud magis priscos, Aduocati & Caussarum actores prodibant in hac veste. Tacitus, siue Quintilianus, in eo De Caussis corruptæ eloquentiæ: *Quantum humilitatis putamus eloquentiæ attulisse penulas istas, quibus astricti & velut inclusi cum iudicibus fabulamur?* Benè Astricti & Inclusi: quia talis illa ipsa vestis. stricta inquam, corpus ambiens, & velut pressum includens. Ideò Somniorum peritus ille interpret, Angustias & timores nunciari vult, angustâ eâ veste. Verba * eius libro II. *Χλαμύς δ' ἐ, ὑδ' ἐνιοί * μανδύλω, οἱ δ' ἐφεσπρίδα, οἱ δ' ἐβέλειον, (ἀννε βίβρον, ἐ Suida? qui ἰμάτιον ῥοναῖλον interpretatur?) καλοῦσι, θλίβω καὶ σπασχωρίαν μαντεύεται, δὲ τὸ ἐμπεδέχων τὸ σῶμα. τὸ δ' αὐτὸ τὸ λεγόμενόν ἐστιν αἰνόλης.* Euge! beas his sermonibus, inquam. Doces & dicis ore alio nondum dicta. Sed pergræne celeri hoc pede?

CAPVT IIII.

Pronunciatio generatim definita: diuisa: & quis dicendorum hic ordo.

IMò clementer nos volo Lipsi, ait, & *καὶ ποδὸς βάσιν*. Simul- que silentio aliquo interposito, sic cœpit, Age, age. sperno iam carceres, & seriò ingredior in ludicrum hunc Circum. Verè ludicrum Grammaticum enim sacrum ordior: & fio, cum Aristophanæo Socrate, * *ιερεὺς τῆς λεπτοῦ ἀπὸν λέγων*. Me quidem iudice, ista nugæ: sed tamen difficiles subtilesque nugæ. & benè * ille in hacre,

** Sacerdos tenuissimarum nugarum. * Terentianus Maurus.*

Fronte exile negocium

Et dignum pueris putes:

Aggressis labor arduus.

Sed & nugæ fortasse viles: si id saltem peruiui possit, vt non in lucem solum ista veniant, sed in vsum. Dignitas certè & splendor

splendor per ea concilietur Latinæ linguæ . Sed Deus & Factum hoc viderint: tu Prætor mappam mihi iam misisti. **PRONUNCIATIO**, Lipsi, de quâ agimus, à me definitur *recta & legitima verborum expressio per syllabas, litterasque*. Rectam, capio eam, quæ antiqua . Valet quidem in omni re Fabianum illud, *Vetera maiestas quædam est, vt sic dixerim, religio commendat* : hîc maximè, vbi nihil tenes, nisi tenes priscum vsum . Ratio aut acumen quid te adiuuent? iaceant in hac parte necessum est. & frustra aliquis à se sapiat in linguâ, quæ peregrina tota & aliena. in quâ vna veri via, olim tritam viam vidisse. Tu advena & nouus si in Italicâ hac, præter ipsos Italos, præcipias aliquid aut præcipias; risum nobis iure debeas. pariter Barbari, si in Latinâ. Dixi *per syllabas litterasque* : vt duplicem eam ostenderem, **ELEMENTAREM & ACCENTVALEM** . Illam appello, *quæ in notis ipsis litterarum exprimendis cernitur*. Hanc, *quæ in syllabis apto tono ac modulo attollendis siue deprimendis* . In his enim duobus tota Pronunciatio posita . Ordinar ab Elementari igitur, & decursâ eâ transibo ad Accentus. Elementa siue Litteræ (et si Priscianus distinguit, & illa propriè dici de sono litterarum vult, has de figuris siue notis.) viginti tria Latinis . Ea diuisa in duas classes, Vocalium & Consonarum . quibus addo & tertiam Diphthongorum, quæ ex Vocalibus mistæ . Omnes eas, certè plerasque, aut malè à nobis efferri aut inutilè, hoc docebo . Tu attende. ego de Vocalibus vocalis primùm ero : quæ quinque sunt, A. E. I. O. V.

Quid sit Pronunciatio?

Ad vsum ea, non ad Rationem exigenda.

Quotuplex illa? Elementaris. Accentualis.

Ordo dicendorum, & materies.

CAPVT V.

Vocales omnes Latinis Pluri-sonæ. Eadem modulo & quantitate ancipites: ideoque olim Pronunciatu & scriptu distinctæ. Geminatio earum qualis? Apex qualis?

E ARVM omnium Latinis plus vno sonus. Priscianus de nos aut plures cuique tribuit, ex enunciatione, ex flatu, ex accentu . Tu eum vide. nam ego cur subtilia illa persequar, sine bono vllo vsu? Sonos eos tantùm exigam, qui in naturâ ipsâ litteræ & in solitario eius proprioque effatu insunt . Talis, vt minimùm, cuique vocali duplex. Ego interrupti, Duplexne? inquam.

Vocalium plures soni.

Duo cuique, vt minimùm.

*Idq; prout
breues, aut
longæ.*

*Commodum
id ad amphi-
boliam vi-
sandam.*

*Quod discrimen etiam in
scripturâ.*

*Nam longas
duplicabant.*

*Quo aucto id
solum.*

** Fortè, no-
luit.*

** posset.
Apex in du-
plicationem
successit.*

** Ego eius lo-
co Accentu
flexo vtor vel
abutor in
meis libel-
lis: quia Ty-
pographis
ita visum.
At priscum
illud reduci
velim.*

*Quid is,
eiusq; visio.*

inquam. at nobis, mi Murete, simplex. Quiesce, inquit, audies
imò non duplex modò, sed quibusdam triplex quadruplex-
que. sed minimùm duplex. Cùm enim Vocales omnes anci-
pites sint Latinis (de quantitate loquor) & modò longæ ear-
modò breues: curæ inprimis habuerunt prisci, vt sono ipso
distinguerent, quantæ illæ in quâque dictione. Ex ipso in-
quam enunciato colligebas, A, an I, longum in *Palus*, in *Sinus*
dicerem: o, an v, in *Populus*, in *Vter*: & *Legimus*, præterito tem-
pore efferrem, an præsentì. Decorè, imò vtiliter. nam hodie
quæ confusio & turbela? Omnium pariter idem sonus, bre-
uium longarumque. adeoque Vocalem vnâ non discerni-
mus, vt nec eam à Biuocali. Itaque iure ambiguitatibus scater
& fordet hic noster sermo, præ antiquo. Nec cura ijs solum
hæc in enunciando: etiam in scribendo fuit. Aliter omnino
Vocales longas pingere soliti, aliter contractas. Nam has solita-
rias ponebant, ad exemplum hodiernum: illas geminabant,
vt duplicatione ipsâ duplicem & productum in ijs ostende-
rent illum sonum. Hunc vsum scriptores prisci mihi firmant,
vt Victorinus Afer: *Næuius & Liuius, cùm longa syllaba scriben-
da esset, duas vocales ponebant.* Quintilianus: qui mansisse id
ad Attium vult, his verbis. *Vsq; ad Attium & vltra, porrectas
syllabas geminis vocalibus scripsere.* At Terentius Scaurus Attium
ipsum auctorem facere eius inuenti videtur: vt censeo, falsò.
*Attius, inquit, geminatis vocalibus scribi naturâ longas syllabas * vo-
luit: cùm alioqui adiecto vel sublato apice longitudinis vel breuitatis
nota * possit ostendi.* Qui benè tamen de Apice monet. quem se-
cuta ætas, vt compendi faceret, vsurpauit pro geminatione.
* Apicem appello, *lineam transversam quam superiungere vocalibus
longis soliti*, hoc modo. *Ā. Ē. Ō. V.* Nam, I, consultò omisi: quæ
sola nec geminata olim, nec apicata, vt dicam infra. Hæc li-
nea est, quam Græci dixere *τιν μακρῶν*. Quintilianus de cā fti-
sè & commodè: *Vt longis syllabis omnibus apponere apicem ineptis-
simum est, quia plurimæ, naturâ ipsâ verbi quod scribitur, patent: sic
interim necessarium, cùm eadem littera alium atque alium intellectum,
prout correpta vel producta est, facit. vt Malus vtrùm arborem signi-
ficet an hominem non bonum, apice distinguitur. Palus aliud priore sil-
labâ longâ, aliud sequenti significat. Et cùm eadem littera nominatiuo*

*casu brevis, ablativo longa est; utrum sequamur, plerumque hac notâ monendi sumus. Atque ut geminatio dudum, sic Apex iste nunc prorsus aboluit. maiorum ævo in tam crebro usu, ut Isidorus autemet habitum eum inter legitimas ipsas litteras, his verbis. Inter figuras litterarum, & Apices veteres duxere. Est autem linea iacens super litteram, aequaliter ducta. Nos utimur, sed longè aliorum, & N. vel M. litteræ velut suppositivum eum, compendiarîâ quâdam scripturâ, habemus. Quod tamen haud novitij planè inuenti videtur. siquidem in priscis etiam libris hic apex occasionem erroneæ isti scripturæ præbuit, * Quotiens, Totiens, Vicensimus, Formonsus, Aquonsus: cum scilicet inuenissent, Quoties, Vicēsimus, Formōsus. Hæc uniuersè de Vocalibus, earumque sono: singulas nunc mihi vide.*

Et ille, & geminatio, nunc perijt.

Aut quid in alio nobis usus.

* Tamè hæc in vetustissimis tabulis æreis marmorisq; legas. idèò amplio, nec temerè damnam.

CAPUT VI.

Vocales primos affectus naturæ exprimere: & plurimum, mæstos. Artemidorus illustratus. A, litteræ geminus sonus, Crassius & Exilis. In Crasso, duplex ea scripta: sæpè cum flatu interposito.

AT QVE agmen mihi totum, A, ducet. iure. Curenim non ea princeps, quæ Naturæ ductu, principium vocidat? Infantes vide: per hanc vagiunt. Pueros: per hanc babant, lallant, tatant. Viros, fæminas: præcipuos adfectus efferrunt per istam. Gaudet? *haha*, audies. Dolent? *ah, ah*, ingeminabunt. Nec dissimilis obseruatio (permittite mihi curiosam paullum curam) in Vocalium ceteris. E quibus, E, pariter gaudij dolorisque index. illius, cum *Eu, Euge, Euoe, Euare* dicimus: istius, cum *He, Hei, Heu, Heulare*. Sicut O item *nos letos* exclamamus, & *Obe* saturos ac benè habitos, & Ouamus exultantes. contrà, O, & *Oh nos miseros*, etiam audies in dolore. At, I, in admirationem valet, cum II ad nouitatem iteramus, itemque *Io* ad triumphum. V, mæroris tantum nota est: ab eâque *Hu, Hui, & Ululare*. Cum tamen attendis, magis est ut mæstificæ omnes sint, & dolor in ijs præualeat, sicut in omni vitâ. Ideò benè & peritè de interpretatione earum * Artemidorus: *ἡ γερμαίνων τὰ μὲν πονήσας, καὶ πόρους καὶ ταραχὰς σημαίνει.* Litterarum quæ vocales, metus ac turbellas significant. Sed in ijs

A, litteræ naturâ principis.

Index adfectuum.

Qui expressi etiam per vocales alias. Ut in E litterâ obserues. Ut in O.

In I.

In V.

Artemidoro facula.

* Lib. III. cap xxxiv.

*Quotuplex
A littera so-
lus.*

*Lenis prior:
& quomodo
effereendus?*

*Crassus al-
ter: & qui
exprimas?*

*Ad distin-
ctionem ea-
rum valuit.*

**Sueui enim
inter Germa-
nos pingue
illud in ple-
risque litteris
retinent.
Lucillus dā-
nat gemina-
tionem.*

delicijs, redeo ad meas spinas. A, igitur litteræ Pronunciatio duplex, Crassa & Lenis. Illa, cū longa: hæc, cū breuiata

Lenem sic efferes: ore diducto, flatu valentulo, suspensâ modicè linguâ, nec dentibus appulsâ. Ita dices, Amo, Facio, Adigo: sic vt au-

dis, & paullum modò attenuatiùs subtiliusque quàm vulgò. A Crassam increffabis pariter. efferes eam spiritu lento & hanc æquè valido, ore modicè aperto, & pressim (me vide) rotundo. de-

nique in longâ eâ enuntiatio longior, & velut AA geminata Sic dices, Amaabam, Effaari, Aaram, Faatum. Sic distingues

Maalum in naui aut in pometo, ab homine Malo: sic Anum e- briam ab Aano obsceno: sic Lingua tibi secernetur à Linguâ. Hęc * Sueuorum in suâ linguâ etiam hodie, vt audio, pronunciatio & scriptura est: hæc veterum fuit. quam Lucillius, & ij qui Apices prætulerunt, eijcere conati frustrâ. Nam illius versus apud Victorinum sunt, è ix. Satyrrar.

A, primum est, hinc incipiam, & quæ nomina ab hoc sunt.

Deinde:

A, primum longa & breui sillaba: nos tamen vnum

Hoc faciemus, & vno eodemque, vt diximus, pacto

Scribemus PACEM, PLACIDE, IANVM, ARIDVM, ACETVM,

Apeç & per, Græci vt faciunt.

Damnat ecce manifestò hanc in scripturâ geminationem: sed

*Panè frustra:
quia non au-
ditus vulgò.*

*Certè libri
& lapides te-
nuere.*

*Abala, unde:
& cur
scriptus?*

**Quintil.
lib. I. cap. I I.*

nec Apices, vt videtur, agnoscit. Damnat tamen ita, vt non omnes iudici illi fuerint audientes. Nam etiam pòst, in libris

& lapidibus hæc scriptura. C. NVMONIVS. VAALA apud Ho- ratium in manuscriptis est, itemque in Numis: & Aletri legi-

in lapide, L. BETILIENVS. L. F. VAARVS. Ab hac ratione in Fastis & monumentis passim est SERVILIVS. AHALA. ante-

ctè, & an non veriùs Ala, frustrâ litigant viri docti. Ego eos moneo Aala fuisse olim, ex ratione geminandi, quam dixi: & flatum solitum interponi sæpè, ad sustentandum, siue etiam

molliendum. Simile est, quod * Mebe, pro Me, antiqui Littera- tores notant, & Mehecum, atque etiam D. interfitâ, Medecum.

Nec ab alio fonte Prebendo, Vehemens, cū vera sint Preendo, Veemens. Itemque Mihi hodie, quod Mi, & Mii antiquis. Aha-

lam quidem quod Alam valere, Cicero ostendit clarè in Ora- tore ad Brutum: Quomodo noster Axilla (malim voster. nam in

Serui-

Seruilios adoptione Bruius translatus.) *Ala factus est, nisi fugâ litera vastioris?* De primo elemento eiusque duplici sono, satis.

CAP. VII.

Quadruplicem videri sonum in E litterâ fuisse. & ij ordine expositi.

Hanc ipsam pro I sæpè scriptam. Julij Caesaris Scaligeri laudatio.

E me *rogat & prenfat. cuius enunciatio certò duplex est, *Reuerà hoc item blandiens in eius sono.

arbitrariò quadruplex. In Exilem & Pinguem ea diuisa, vt vocales omnes: sed, nisi fallor, duplex iterùm in illâ sonus, & in istâ. Acutè hæc indagem & obseruitem fortasse: quid refert, si verè? Primùm igitur, E, pinguis enunciatâ vt EE duplex: enunciatâ, sed & scriptâ. In Nummis legimus, FAV- Duplex EE. elatum & scriptum.

STVS. FEELIX. in lapide: BASILICAM. CALECANDAM. SEEDES. Quæ autem hæc pronuntiatio? me iudice, illa quæ apud

*Gallos in plerisque Latinis vocibus hæsit. *Miel, Fiel*, dicunt, *Etiam nos Belgæ EE duplicem sic effertimus.

pro Melle, Felle: ipsis verbis priscis, & fortasse germano sono. Nam olim fuit *Meel, Feel*. In scripturâ tamen peccarunt Galli: etiam isto, quòd extendêrunt, vt solet vulgus, ad sillabas breues. Nam *Bien, à Benè*, habet hanc stirpem. Quæ corrupta enunciatio tamen iam olim: vt discas è lapide (enimuerò sculptores illi aut marmorarij plerumque imperiti, & ideò in scripturâ sonum attendentes modò & exprimentes.) qui in hac Urbe conspicitur: PATRONII. SVAE. BIIANII. MERENTI. FECIT.

quod non aliud quàm Crasso enunciatu *Benè*. Simile in altero, SIISTIA. HIILLAS. quod accipio, *Sestia Hellas*. Hic prior sonus vt videtur (non enim adfirmem prorsus) in E longâ. quem efformabis, ore primùm semiclusso, dein aperto, cum in- Efformatio soni.

tentiore spiritu, labijs productis modicè, appulsis nonnullo lingua ad primores dentes. Alter in eadem, non productus æquè, sed E pro Eta.

magis latus, & ad A tenue nonnihil inclinans. quem exprimes, Efformatio soni.

aperto magis ore, lento sed forti flatu, lingua suspensâ & fastigiata soni.

leniter, nec vllam in partem motâ. Denique verbo vno, Lipsi, insonat hoc E Latum (ita appellare malim, quàm Pingue aut Crassum) idem quod Eta Græcum. Firma ac certa hæc pronuntiatio, (supra primam illam, cui primus auctor ego:) eiq̃ue stabilitor Aufonius:

Eta quod Æolidum quodque valet, hoc Latiare E.

Mens enim eius carminis, E Latinum æquiparare sono *æ* & Græcanicum. Et Terentianus Maurus:

Litteram namque E videmus esse ad Eta proximam.

Adde Capellam: *E vocalis duarum Græcarum vim possidet. Nam cum corripitur, E Græcum est, ut ab hoc Hoste: cum producitur, Eta est, ut ab hac Die. Manet hodie hæc enunciatio in multis: Ascendo, Effectus, Obses, Dens, Mens, Lens, Mensis, Estur, Endo. No-*

Donati intricata sententia verba: nec scio an sana.

uum & acutum aliquid Donatus huic rei dixerat, sed loci corruptis, ita ut mentem eius non tam capiam quam captem

In illud Terentij, *Filium perduxere ut vnà esset*, scribit: *Id est, v*
cibum capiat, & correptè. Legam, E correpto. Iterum in illud, V
de symbolis effemus, sic: *Melius Effemus producta E littera*. Quo
scholium clarè pugnat in illud prius. & sanè hîc quoque corri
gam, *Melius quàm Effemus*. Nam, meâ mente, hæc mens: Al
Edo edis, Esse cum formatur: originis adspectu, E primam
correptè enunciari debere. cum à Sum, productè. Præfert au
tem utroque loco, ex sententia carminis, Esse ab Edo: ideoqu
monet, & distinguit ab effatu. Habes duos sonos, qui in Lon

Prior sonus in E breui.

gâ: duos reperio etiam in Breui. Tenuem alterum, sub-tinnu
lum & sub-acutum. qualis est in Emo, Lego, Teneo. quem præ
mes *ritu rotundo*, *satis quod sit aperto, lingua ad inferiores dente*

Alter.

dirigente. Alterum tenuem item sed obscurum, mixti cuius
dam & ambigui inter E & I effatus. Præterisse eum poteram
sed Quintilianus mihi sedulo ingerit, qui notat: *In Herè vlti*
mâ, neque E neque I planè audiri. Et ab hac incertâ elatione, in

E pro I, vulgò scriptum.

certa item scriptura veterum: qui (eodem Fabio teste) *Qua*
* & *Quase, Sibi & Sibe* promiscuam scripsêre. Sed & in lapidi
bus ab hac causâ reperio NAVEBUS, pro Nauibus, EXEMET
pro Exemit. ORNAVET. CEPET. DEANA. MERETO. SOLEDAS
& * talia plura. Præter Fabium, Iulij quoque Cæsaris Scali

* Atque ita T. Livium scripsisse idè Quintil. asserit, cap. XII.

* Vt Quintil. item notat, *Mageser, Meneria, & Diogene* (ita is corrigendus, pro *Diogeni*, lib. 1. cap. v.

geri (deus bone, cuius viri! ne vir sim ego, si acutius aut capa
cius ingenium inter homines fuit ab illo ipso Iuliano auctore
Scaligeri inquam teretes aures etiam aduertêre: qui hoc ip
sum in subtili scripto tangit De Causis Linguae Latinae. Ab eo
nunc. Mane, mane paullum, inquam ego. De Apice nihil hîc
doces? Dictum puta semel, inquit ille. Omnes longæ conge

minarum

minarunt, aut Apicem sumperunt, præter vnā. De istā quidem Terentium Scaurum audi: *Apices ibi poni debent, vbi eisdem litteris alia atque alia res significatur. vt Vēnit, & venit: Lēgit, & legit. Teneo, inquam: nec te iam teneo. curre tuum cursum.*

*Apex in E
longā.*

CAP. VIII.

Litteræ I, triplex sonus. Quæ in Plauto sit longa littera? Et diphthongus passim pro I longā: de quæ eā scripturā priscorum variantes sententiæ.

VELLEM decurrisset, inquit. Sed ad tertium velut spatium veni litteræ I: cuius sonum triplicem deprendo. Primum eius longæ: & verè longæ. quia non, vt ceteræ, geminatur aut apice insignitur: sed productior fit, & longitudine velut duplā. Exempli causâ, PLISO. VIUVS. AEDILIS. QVIN-
QVENNALIS. Ideo nat' ἱξολῶ, inter omnes litteras hæc propriè dicta longa. Plautus sciuit, & iocum captavit in personâ Staphylæ:

I, longiusculum ipsâ formâ.

Plautina anni qua longâ littera?

— ex me vnā faciam litteram

Longam, meum quando laqueo collum obstrinxero.

Apage enim vulgus interpretum, qui de litterâ L capiunt, quia longiuscula ea in nostrâ scriptione. apage & Lambinianam faciem, qui ad quamvis grandiore litteram vult aptari. certò mecum Plautus cepit de istâ: quæ sola inter grandes & Romanas illas litteras (nam hæc minutæ ignotæ olim) super ceteras eminuit, & formâ ipsâ pensilem prætulit ac porrectam. Hac eadem mente Aufonius in liguritorem Eunum scripsit:

Item Aufonio.

Quid imperite, p, putas ibi scriptum

Vbi locari Iota conuenit longum?

Nam suspensio censet eum dignum. Terentius Scaurus in hac re: *Super I litteram apex non ponitur. melius enim I in longum produceretur. ceteræ vocales quia eodem ordine posita (lego ordine & posita) diuersa significant, apice distinguuntur.* Huius autem sonus, diffusus, latus. quem uti formes, os mihi laxius aperi & cum conatu, inferiori mandibulâ nonnihil in latus flexâ. Pronunciant etiam nunc (ita accepi) rectè soli pænè omnium Europæorum Britannique: quorum est *Regeina, Ameicus, Veita.* Rectè dico. quia reuerà

Sonus eius legitimus.

Qui apud Britannos reliquos.

reuerà non aliud insonuit hæc longa, quàm EI diphthongum
Itaque & Græci interdum diphthongum pro illâ assumebant
vt in lapide prisco: *περιεῖται ἀνέσθουαν*. Nam ex lege esset, *περιεῖται*.

EI, binocalis
illi compar.

At ipsi Latini magis promiscuè & hanc scripsère & illam; non
æuo solùm eodè, sed lapide siue libro. In vetustissimâ illâ Duil-
lii columnâ, CASTREIS. & SOCIEIS. legas: nec minus,
PRIMOS. & CARTAGINIENSIS. In Fastis: TRIUMPHAVIT. DE
GALLEIS. POENEIS. &c. In lapidibus alijs: VIAM. FECEI. ET

Itaque adia-
phoras altera
pro alterâ
scripta.

PONTEIS. IN. EA. POSEIVI. & sexcenta huius formæ. Librarij
etiam paullummodò veteres euariant, & nunc *Omneis*, *Nauet*.
scribunt, nunc *Omnis*, *Nauis*, &c. Ab hoc pronunciato &
scriptu Ciceronis illud facetum, ad Pætum: *Cùm ternei loqui-*
mur, nihil flagitij est: cùm binei, obscænum. Respicit enim ad Græ-

Litigium de
hac re vete-
rum.

* vide Nota-
ta in fine Ca-
pituli.

corum illud *Βινεῖ*, quod Latino respondebat examussim. Vñ
ita valdè hæc olim scriptio, sed & agitata. cùm seorsùm inte-

se irent non Grammatici solùm, sed magni illi patres. * Lu-
cilius & Varro distinguere conati, quando & quatenus E
scribendum: surrexère in eos Grammatici, nihil præter mo-

Secundus, I,
sonus.

rem mori & morosi. Et tamen vicit & perrupit leges omne-
siue vincla vsus. Hic tibi primus igitur sonus in I, litterâ. al-
ter est in eâ Breui, & item alter. Prior, tenuis, exacutus; quem
effingas, *leuiter apertis labijs cum sibilo aliquo, & dentibus velu-*
renidendo paullùm restrictis. Hoc audis in *Igitur*, *Via*, *Inibi*.

Tertius so-
nus.

Iter, &c. res enim hæc liquet. Alter tenuis item, sed fuscus
subobscurus, & inter I, & V, quasi medius. Seruius de isto
I, & U, interdum expressum suum sonum non habent. *J*, vt *Vir. V*, v

Ineptia hic
Victorini.

Optumus. Vberius paullò Victorinus: *Sunt qui inter U quoque*
& J litteram supputant deesse nobis: quæ pinguius quàm J, exiliù
quàm V sonet. Sed pace eorum dixerim, non vident Y litteram de-
derari. sic enim Gylam, Myserum, Syllabam, Proximum diceban-
antiqui. Vberius, sed nugaciùs. quia de scripturâ istâ quam ad-

Prisciani re-
gula, sed exa-
minanti fal-
lax

* Reipsâ au-
tè pinguetu-
dinē aliquam
ab V. confon-
dunt sumit.

firmat, vetus ei lapis aut liber nunquam aderit subscriptor. A
sonum tamen indicat verè & clarè. Priscianus, seu quis alius
auctor libelli non indocti De constructione Virgilianorum
versuum, vniuersè notat: In omni dictione cui initium à * U
sillaba, pronuciari hanc vt Y, Græcum, sequentibus D, vel R
vel S, vel T, vel X. Hæc enim eius regula. & dat exempla, *Vide*

vide

bam, virago, vitium, vir. & plura vide, haud scio an vsquequaque vera. Nam ad Grammaticorum liras si plectrum hoc linguæ semel attemperem: quis finis? valdè delirem ipse: nec Mercurij omnes aut Lares reduxerint me in viam rectam.

N O T Æ.

AD Capituli huius opus, Lector, hoc tibi velut præter-opus adtexam: quia Grammaticæ hæc quædam lites, quas secabo æquus iudex. Tu lege, si valdè vacas: neglege, si leuiter sapias.

Dixi initio, I non duplicari. & est id ex mente omnium litteratorum, ^{I interdum duplicant.} etiam ex vsu: nisi quod interdum deuiat vnus aut alter lapis. vt ecce iste ab æuo Augusti: HERODIAN. PRÆGVSTATOR DIVI. AVGVSTI

Dixi productam scribi: verissime. sed addo, eam productam interdum ^{Sapè pro II duplici posita.} æquiparare se duabus, quæ diuisim scribendæ. vt in lapide Munatij Plan-
ci. FECIT. DE. MANIBLS. valet enim, *Manibys*. item in illis poetarum,

— *ignobilis ot l.* — *urbem Pataul.* & in trito sepulchro-
rum, DLS MANIBVS.

Dixi promiscuam veteres scripsisse EI, vel I, longum. Priscianus aliter; <sup>Prisciani error, aut pro-
peræ adscrip-
tio.</sup> qui veteres vult semper EI scripsisse, sequentem ætatem, I productum. Errat ipse, non ego: & refutant clarè æra & marmora vetusta, in quibus ferè omnibus (quasi si nihil intersit) confusanea hæc scriptura. Puti-

dum sit citare: cui mens aut oculi, legat. Illud non importunè moneo, <sup>EI, pro I, bre-
ui etiam scri-
ptum.</sup> soluisse veteres EI illud scribere, etiam cum I breue Præter rationem, fateor: sed purgat ab errore eos tunc receptus error. Ita legimus in

Agrarijs, & Iudiciarijs vetustissimis tabellis, quæ apud Cl. V. Fuluium Ursinum: QVASEI. SIBEI. VBET. SEINE. LEITERAS, *quasi sibi, ubi, sine, literas*. Repperi etiam pro E breui, in prisca tabulâ Genuatæ: AB. FONTEI. AD. FLOVIVM. pro *Ab fonte*.

Attigi de Lucilliano & Varroniano præcepto. Id, si aues, hoc est: Vti <sup>Lucillij in
hac re argu-
ti: seu disci-
mina.</sup> plurali numero, *Hi pueri, Amici*, & talia scriberes; singulari, *Huius Pueri, Amici*. Item *Illi*, datiuo casu, sine E: at *Illei*, nominatiuo plurali, per eandem. Quod præcipit non aliâ re, quàm ad discrimen. Similis Varronis sententia; quam habes apud Terentium Scaurum. Huius verba non pretium est adtexere: illius, magis. quæ plusculis versibus com-
plexa eademque fœdata, purgauit Iosephus Scaliger, ab aureâ stirpe au-
reus ille ramus. Exstant partim in Quintiliani, partim Victorini:

Iam PVEREI venere, E postremum facito atque I.

Vt plures pueri fiant. I si faci' solum,

PVPILLI. PVERI. LVCILLI: hoc vniu' fiet.

Hoc ILLI factum est vni: tenue hoc facies I.

Hac ILLEI fecere: addes E, vt pingui' fiat.

MEILLE *hominum*, duo MEILLIA, *item huic utroque opu'*,
MEILES,

MEILITIAM *tenues I*, PILAM *quâ ludimu'*; PILVM

Quo pinso, *tenues I*. Plura *hâc fecer'*, PEILA

Qua iacimus, addes E, PEILA *ut plenius fiat*.

Addo ego ex Fabio & hunc versum, eidem rei:

MENDACI FVRIQVE addes E, *cum dare FVREI*

Inferis. —

Qui nonne pugna aperte in priores? Nam ibi ILLI, dandi casu vetat cum E scribi: hinc eundem casum iubet. Sed purgo, quod confusionis non hinc metus: quoniam pluralis *Mendaces, Fures*. Itaque lapides ad Lucillum apte: EIQVE. OPEREI. DIEM. DEICITO. item:

*Contra eos
tamen usus
pugnauit &
obtinuit.*

QVANTA. EI. PRÆCONEI. VIATOREI. DARE. OPORTEBIT. Sed & iisdem sæpè auertunt ab hac lege. Negat Amiceus scribendum gignendi casu. ac vetustissimæ tabulæ: QVOD. EIVS. AGREI. LOCEI. PVBLICVM. POPVLEI. ROMANEI. ERIT. & crebrò. Vide nunc quàm

*Inepria hodie
Criticorum.*

sani qui hodie litigant, *Omnis an Omneis*, *Pluris an Plureis* exarandum. quasi intersit scilicet in pronuntiatio. Quod si nil in isto: sciant nec in scripto. At magistrelli etiam veteres ludunt hinc suos ludos. *De nullâ scripturâ* (ait Victorinus) *diutius inter Orthographos quaesitum est quàm de istâ. Pilum aiunt* (tangit Lucillij versus, qui suprâ) *militare, te vinea, si sit suprâ quàm milites aggerem instituunt, per EI, scribenda: at si pilum sit quo pinfitores vtuntur, & Vineae quæ ruri colitur, per I. Quem corrige & exple à me obiter: Pilum aiunt militare telum, & Vinca subter quam.* Non enim certè supra Vineam, sed eâ tecti milites opus instituunt. Et Quinctilianus pariter ista & Lucillium damnat, vultque obtinere tantum I longum. Vide tu eum lib. i. cap. xiii. Terentianum, Charisium, Priscianum. Ego vltrâ diuerberem has nebulas?

*Correctus
Victorinus.*

— non, puto, si sapio.

CAP. IX.

O duplex esse, quod ad tempus & ad sonum. Ausonij versus aliter lectus. Tranquillus illustratus.

Duplex sonus in O.

O ME silit, & poscit sibi suum sonum. Quem aio duplicem. adsonat enim O magno Græcanico, & eorundem Oexili. Grammatici vulgò attestantur: & Ausonius, vego eum lego, versu isto:

Quod & O Græcum, compensat Romula vox o.

*Ausonius
hinc rei cor-
rectus.*

In tritis libris aliter, qui Y Græcum ingerunt, scripturâ incertâ; imò verò, ex vi & potestate litterarum, falsâ. Nam quis Y cum

cum O comparauit vñquam? Migrant interdum, scio, altera in alteram: sed non hoc euicerit, eiusdem eas soni. Lugdunensis scriptus codex, (cuius filo multos poetæ eius Labyrinthos feliciter diu Scaligeri ingenium euasit) habet: *Ω quod & oy*. Ex quo ille, *Ω quod & oy*. me tamen lentè approbante. Non enim verum planè, O Latiare valere quod *oy* Hellanicum. Malim, *quod & o Græcum*. quoniam ea constans Grammaticorum veterum dictio, O nostrum æquiparare duplici Græcorum, magno & minuto. Crassè autem efferebant O illud Crassum siue Maius: sic vt in sono ipso eluceret vis eius duplex. Nam dicebant *Pööpulus* de arbore, *Voöcem*, *Oöram*, *Pratoörem*, & talia; propemodum vt nos Galli *Foy*, *Voix*, *Noise*. Vos Belgæ (ita docuere me tui populares) meliùs: qui & scribitis pariter & effertis, *Broot*, panem: *Schoot*, sinum: *Boom*, arborem. At casci tamen Latini subleuant in scriptione nonnihil Gallos: qui ipsi in Datiuis casibus *Populoi Romanoï*, & similia exarabant, efficiendo huic longo sono. Victorinus & alij, testes. Neronis impius sed non inscitus iocus, stabiliendo huic duplici effatu: qui de Claudio mortuo idem tidem * *Mörari eum inter homines desisse illudebat*. simul & ad vulgatum illud adspiciens, quo morari in viuís desisse à morâ, homines *εὐφύμωος* dicimus: & eâdem fatuitatem Claudio opprobrians, sono ipso pingui & gemino, quo ostendebat verbum hoc se formare à * *Móoro*. De hac Vocali quoniam res minimè turbida, sermone meo cur illustrem? Versus tantùm Terentiani Mauri licet addam, firmandæ totius rei, hosce:

Ω Graiugenum Longior, alterá est figurá:

Alter sonus est & nota temporum, Minori.

Compendia nostri meliora crediderunt:

Vná quoniam sat habitum est notare formá,

Pro temporibus quæ geminum ministret vsus.

Igitur sonitum reddere cùm voles Minori,

Retrorsus adauctam modicè teneto linguam,

Rictu neque magno sat erit patère labra.

At Longior alto tragicum sub oris antro

Molita, rotundis acuit sonum labellis.

Ω lögum quâ sonuerit?

Galli per OI, effertur.

Belgæ oo geminant.

Iocus Neronis.

** Vt Suetonius scribit cap. xxxix. Primâ syllabâ productâ.*

** Id est, stultus.*

CAPVT X.

De litterâ V. quadruplicem eius sonum esse : sed Primarium & eximium, duplicem. Plauto, Aufonio lux immissa. Quæ Feralis littera & quare? Maurus & Charisius correcti.

* Qui singulo missus à septenis spatijs ad quina corripuit. Sueton. Duo soni in V.

V MIHI superest : per quam quinto & vltimo hoc spatium (* Domitiani scitum ita voluit) decurram. Sonore ei præcipui, duo: Latus, & Exilis. Ille, qui ou Græcum planè & plenè exprimit : iste, qui Y eorundem. Victorinus ab hac mente : *U* similiter posita est pro breui, & pro longâ. Et magnus Varro sic discriminat clarè, in his verbis : *Quidam reprehendunt quòd PLVIT & LVIT dicamus in præterito, & præsentì tempore Falluntur. nam est, ac putant, aliter quod in præterito V dicimus longum, PLVIT, LVIT: in præsentì, breue. Idèò in venditionibus lege fundi RVTA CAESA ita dicimus, vt V producamus. Hoc enim vult, Pluit, Luit, in præsentì tenuiter efferri, in præterito Plouit, Louit. Sonum hunc Crassum nemo meliùs expresseit Paralito illo apud Plautum, cui quæsitus hinc iocus:*

Varreni lux.

Et Plauto.

— Tu, tu istic, inquam. vin' adferri noctuam
Quæ Tu, Tu, vsque dicat tibi?

Et Aufonio.

Feralis littera.

Longa V scribenda non una ratio.

Comparat enim ecce illud, Tu, cum noctuino gemitu : quem Tou esse omnes scimus. Eum quoque Aufonius respiciens, de hac litterâ scripsit : *Cecropys ignota sonis, ferale senans V.* Ferale idèò, quia refert feralem illam auem. Quòd ait Græcis ignotam, verum est in litterâ vnâ. nam quin diphthongo suâ eam diseretè exprimant, quis neget? Hæc (longam dico) Latinis scripta tripliciter. Primùm solitaria, sed, vt opinor, cum Apice. In Terentij Epigraphis : *Græca Apollodori, Græca Menandri* : quæ clarum est valere & æquiparare illis Græcis, *Ἀπολλοδώρου, Μενάνδρου*. Hinc illud Aufonij:

*Vna est in nostris, quæ respondere Lacones,
Littera, & irato regi placere negantes.*

Significat enim V, perinde valere atque v. Secundò, geminata : ritu scilicet aliarum Vocalium. Tabulâ æreâ Fuluianâ: P. MVVCI O COS. quod est, *Moucio*. Eâdem: SIREMSSQVE. OMNIVM. RERV. LEXQVE. IVVSQVE. ESTO. quod est, *iouis quæ*. Teren-

Terentianus ita scripserat, sed corruperunt vulgò:

*Græca diphthongus sed * o'y litteris nostris vacat:*

Sola vocalis quod v' v' complet hunc satis sonum.

* Diuissim
leges, aut
versus clau-
dicat.
Terentianus
correctus.

Non habent Latini, inquit, *ou* diphthongum: quoniam *VV* geminata (sic nisi scribis, illex est versus) satisfaciendo huic sono. Tertio, scripta ritu Græco. Victorinus de diphthongo eâ locutus, addit: *Nostri etiam quoties eiusdem soni longa syllaba scribenda esset, & ipsi V adiungebant O litteræ. Inde scriptum legitis Loucetios, Nountios, Loumen, &c. Hinc in Festo, Oufentina tribus.* In veteri tabulâ, INDOUCEBAMVS. item: EDITO. COVRATOQVE. præterea, IOVSIT. &, IOVDICAVERVNT. ac plura. Quin & cùm brevis ea littera, reperio nihilo seciùs hanc scripturam. In lapide: SOVOM. MAREITOM. CORDE. DILEXIT. SOVO. In Daillianâ columnâ, qui intentis oculis fugientes litteras adspiciet (* alijs neglectum) reperiet, NAVEBO S, litterâ utrâque velut mistâ. Vt non sine causâ prorsus Priscianus scripserit communiter: *U modò correptam, modò productam habemus, quamvis videatur ou diphthongi sonum habere.* Confundit enim ecce sonum illum, & tribuit utrique: ex vsu aliquo vulgi tamen potius, quàm ex vero. Nam quin tenuior etiam illi fuerit, quis neget? Is autem respondit Y Græco. Ita σύλλαξ, Sulla: δύο, duo: τύρην, turba: φύγην, fuga: Ρώμωλ, Romulus: Τύλλιος, Tullius: Σύεια, Suria. Charisiū obiter mihi corrige: *Gulam ait Julius Modestus per V scribemus, non per Y, quæ Græcis vocibus necessaria est & sæpè in V transit. Ut insuemur ait ignaro, inter se degularunt omnia. scribe: ut in Sue, Mure. Att. in Atreo: Inter se, &c.* Nam Sus & Mus à Græcis. Itaque per eam litteram inueni FORVM SYARIVM in marmore sculptum. Terentianus ad hanc rem:

Prisciani nō
cautissimâ
scriptio.

V, exile, re-
spondet Y
Græco.

Charisius
Correctus.

Tertiam Romana lingua, quam vocant Y, non habet.

Huius in locum videtur V Latina subdita:

Quæ vicem nobis rependit interim vacantis Y:

Quando communem Latino reddit & Græco sonum.

Nam eius sententia, ista. Y nihil opus Latinis: quoniam vnica V utramque vicem & vocem subeat, soni crassi, soni exilis. Nec plura dico de re minimè incertâ. Pronunciatur longa optimè hodie ab Italis, Hispanis, Germanis: brevis à Gallis, &

Maurus ex-
picatus.

*Tertius so-
nus V, velus
O.*

à vobis Belgis. Habes, Lipsi, duos sonos primos & præci-
puos: propius si intueare, quin duo alij sint, non negabis. V-
enim O adsonat in istis, *Frun-des, Fundus, Dederunt, Serum,*
Maritum, Aeternum: quæque a dissimilis formæ. & ideo prisci
sæpè Ohic scriptum siue scalptum. LAVATIONEM. IN. PER-
PETVOM. DEDIT. legi: & alibi: AIRE. MOLTATI. COD. DE-
DERONT. item, SOVOM. MAREITOM: & centena alia. Qui
passim, ab hac soni viciniâ, litteræ eæ commutarunt. *Epistula*
& *Episula*: *Numenclator*, & *Nomenclator*: *Adolescens*, & *Adule-*
scens, tibi nota: & obseruavi magis noua, *Flouiom* pro Fluiuium
Detolerit, pro Detulerit; *Aorelium*, pro Aurelium. Sed & alterum
sonum deprehendas, ad I accedentem: qui in istis, *Proximus*
Optumus, Lacruma, Manubia, Gula. ideoque V ipsum pro
vsurpatum crebrò, præter legem & vsum, in lapidibus. vt STV-
PEND. pro stipendijs: STVPLAE, pro Stipulis siue Stipulis: iten
AVRVFEX. & INFELICISSVMA. Plura possem: tempero. Non
enim ego ambitiosè loquax in ijs quæ aut dicta iam, aut vulgo
litteratorum non ignota.

*Quartus
velus I.*

CAPVT XI.

*Ad Diphthongos ventum: Latinum ijs nomen fidenter positum. Quo-
eæ, & in quibus enunciandis peccemus? AE quomodo efferenda
quomodo OE? Dio Cassius emendatus. De EI obiter dictum: &
quis ei sonus?*

*Diphthongi,
siue Biuoca-
les, quid, &
quor?*

IGITVR cursum verto aliò: & Bigam istam, Missu altero
flectere incipio ad Biuocales. Ita indigeto, quas Græci
Diphthongos: si nouiter, numquid ineptè? Audeamus enim
& nos aliquid: & per occasionem fas sit exhaustum Latium
augere diu optatâ ciue. *Eæ ex Vocalibus binis conflatae sunt siue
vt transeant in sonum vnum, sed in quo reliquæ soni vtriusque. La-
tinis ex quattuor: AE. OE. AV. EV. Duas ex ijs vltimas re-*
ctè pronunciamus hodie: duas priores nec rectè. Nam cum
& quidem tenui, confundimus vtramque. O turduli, quî po-
test? Iugulo vos vno telo: quia frustra quæsitæ aut repertæ
diphthongi, si sono à Vocalibus nil diuertunt. Terentianum
saltem audite:

*Quatenus in
iis efferendis
peccetur?*

*Et id osen-
sum.*

*Et sonos utrosque iungit. unde diphthongos eas
Græci dicunt magistri: quòd duæ iunctæ simul
Syllabam sonant in vnam, vique geminâ præditæ,
Semper effectum duorum temporum custodiunt.*

En, ait utrosque sonos iungi: ait vi geminâ eas præditas. At cùm
Phæbum, Phebum dicitis: cùm Musæ, Musæ effertis: vbi id
apparet? Pipillones! digni quos pueri pipulo differant, in per-
tinaciâ si perstatis. Sed tu Lipsi, vide, disce. AE, antiquiori-
bus paullum AI scripta, ritu Græco. AIMILIA. & AIRA, & si-
mililia occurrunt in monumentis. & cùm circiter Tullij Augu-
sti quæ æuum exoleuisset, retrahere conatus Claudius Imp. pu-
blico etiam scito. Itaque lapides omnes illius æui eam ha-
bent. Sed obijt abiitque iterum cum illo. Sonus eius quis?
idem qui Græcanicæ: quem benè adstruxêre contra vulgus
Checus Britannus & Mekerchus vester, viri non è vulgo. In
hoc tamen seorsum ab ijs sentio, quòd visî mihi præter mo-
dum latas diphthongos facere, & vt sic dixerim, hiare nimis
in sonando. Subrusticè herclè efferunt, & vastè. At mihi
certum, molliùs eas sonuisse olim, nec vt A plenum aut E au-
dires; sed vt mixtum quemdam suauemque sonum. Fallor,
aut Galli aptissimè exprimunt & scribunt, in *Paix*, pax: *Fais*,
onus: *Iamais*, numquam. Vos Belgæ item adsonatis (etsi ali-
ter scribitis) *Peysen*, cogitare: *Reysen*, Iter facere: *Seyt*, Velum:
& talia. Ita qui Latinis *Cæsar* est, verissimè vobis *Keyser*. Sup-
posuistis enim EI vel EII huic diphthongo. *Aiacem* igitur,
Maiam, *Baias* ipsas: itemque, *Aula*, *Pictæ*, &c. non crassiore
illo A pronunciem: sed attenuem magis, & pænè ad Eta fle-
ctam, dicamque, *Eiacem*, *Meeiam*, *Beeias*, *Auleei*, &c. quod audis
à me faciliùs, quàm vt scribam. Germanorum ritus hîc vsum
& locum aliquem habeat, qui ad significandum A illud tenue,
E superscribunt. Lapidibus aliquid hîc me iuuant. Illud enim
semel pono; indoctos fuisse qui eos scalpserint, aurium sen-
sum & soni vestigium secutos, sine Grammaticâ vllâ lege. At
ijostendunt, sonum hunc finitimum in parte fuisse E pin-
guiori. Hinc illa per errorem inscalpta: EGRAEGIVS, pro
Egregius: AEIVS, pro Eius: AEVOCATVS: & VTRIVSQUAE: &
quod magis rideas, VENAERI, & FVNAERI, pro Veneri, Fv-
neri.

*AE, olim AI
scripta.*

*Eius legiti-
mus sonus.*

*Qui cõfusus
& cõperatus
ex utraque
vocali.*

*A lapidibus
argumentum
aliquod pete-
rum.*

neri. Quî peccatum hoc peccassent illi bardi, si hians ille & pinguis sonus Diphthongo? cui ad E adfessio aut accessio nulla. Sed hoc à vulgo, inquires: qui vt E pronunciant. Nihil medium enim illum sonum æquiter euincit: pugnax ille qui torqueat ad extremum. Nec plura addo. Sensuum enim magis res, quàm rationum. & verè hîc valet illud Quintilianum. *Non esse cuiusvis auris exigere litterarum sonos, non herclè magis quàm nervorum.*

Difficile hi
soni scripto
exprimuntur.

* Cui prorsus par. Ita ab oloos. & pilumnoe poploe. Festus notat: ad ritum scilicet Græcum.

Sonus oe diphthongi
quæsitus.

Non illum
videri, qui
præpinguis.

Victorini
notabilis locus.

Prisci com-
mutarunt sem-
per oe & u.

Iam OE diphthongus olim item scripta * OI. Sic Oionem pro Oenone Capella ingerit: sic Oitier pro Vtier Victorinus notat. Et in vetustissimo Sc. de Tiburtinis legi: NEQVE. ID VOBEIS. NEQVE. REI. POPLICAE. VOSTRAE. OITILE. ESSE. Sed alia scriptio eualuit, ista evanuit. Sonum eius verum (verum mihi fas dicere) non vidi, qui viderit. Nam qui Græcæ linguæ Pronunciationem instaurarunt, crasse pleneque eam sonare volunt, vt Gallorum, *Moy, Toy, Soy*. Non mihi probant viri probissimi. Primum quia nimis expressus ille sonus, qui ex Diphthongorum ingenio debeat esse confusus. Deinde, quia non exprimat eum vlllo modo aut assequatur OE Latinum. Quomodo enim ex O & E platysmum illum elicias? Tertiò & auctores mihi, qui alia suadent. Victorinus Afer hanc Diphthongum cum Y Græco æquiparat differre, in Arte suâ Grammaticâ: *Littera peregrinæ sunt*, inquit, *Z & Y. quæ propter Græca quedam assumptæ sunt, vt Hylas, Zephyrus. quæ si non essent, Hoelas & Dsephurus diceremus.* Attende, tecum quæso. *Hylas*, inquit, scriberetur *Hoelas*. At quæ adfinitas hîc sonorum, si vero adfines illi? Nam Y Græcum, responderet planè V tenui Latino: quod & ipsi fatentur, & litteratores prisca affirmant vno ore. An fallit nos fortè ille Afer? nihil hac in parte: cùm testimonium ab eo dicat casta & casta illa omnis ætas. Nam prisca velut promiscuè scripsere, *Oisum, Oesum, vsu*: *Poenos, Punos*: *Coirauit, Coeravit, curavit*: *Moenera, munera*: *Moeros, muros*: *Moinicipiū, municipium*. quid nisi tantum non vociferantes paritatem inter ea soni? Intorqueo & pilum è scriptore Græco, firmum, validum, & Triarij manu dignum. Scribit in Nerone Dio, Principem illum duos Sulpicios vitâ imminuisse, quia visi imminuere scani-

can

cam eius laudem. Visi autem minuere solo nomine: ὅπ, inquit, Πυθικοί ἐκ ἀρχαίων ἐπικαλούμενοι, οὐκ ἐπαύσαντο ἀρσῆμα τοῦτ' ἔχοντες, *A Dione argumentum pugna.* ἀλλ' ἐς τὰς τῆς Νέρονος νίκας τὰς Πυθικὰς ἐκ τῆς ὁμωνυμίας ἠσέβουν. id est: *quod ab antiquo æque maioribus Pythici cognominati, non desinerent eius cognominis: sed palam in Neronis Pythicas victricias impij essent, nominis viciniâ.* Quid iuuat me hic locus? nimium: si ego prius illum. Adfirmo enim emen dandum, ὅπ Πορτικοί, id est, *Poetic.* *Is primum correctus.* *tici.* Nam hoc liquens, clarum, Sulpiciæ genti Pythicum agnomen adhæsisse numquam. *Pætic* illi dicti: & Fasti, scriptoresque historiæ mihi testes locis viginti. Quod si est: vide nunc, quomodo indignari citharædus Princeps potuerit, quasi in patiente cognomine, si Pronunciatio illa olim? Nam litteris certè abludit: Sono igitur ad Pythicum siue Puthicum (ita efferebant) accessit: & quod ex his concludo aptè, OI, siue OE, diphthongus haud dissonuit V leni. Quis igitur ille sonorus mixtus. quem apud Gallos meos habes in diphthongo istac ipsâ. Illorum enim est, *Coeur*, pro corde: *Voem*, pro voto: *Noend*, *Oe, Galli re-* *ad* *essent.* pro nodo. Et fâne mihi etiam vestra tangere? si pecco, ne ride. Ita & vos Belgæ sonatis, *Oelsaet*, papauer: *Moelen*, molam: & quæ tibi plus nota. Hæc sententia mea, noua potius quàm improba, apud mentes & aures probas. Certè non crasum istum ei & vastum effatum fuisse, quem cùm audio (ignoscant mihi viri docti, & quibus litteræ æternum debent) vix lientem comprimo: docent etiam nonnulli lapides, in quibus pro E, perperam substituta. vt CROETA. PROVINCIA, pro Cræta. Tu Lipsi, numquid mutas, aut etiam nutas? an transeo iam ad Consonantes? Alacer ego, Nihil nihil, inquam. bono argumentorum pondere (vt hæc quidem res fert) me firmas. Consonantes tamen mihi protolle, & de Biuocali EI, nodum prius tolle. Ille cum risu, Græculi viderint, inquit: non ea in Latiari classe. Nam eius loco I nobis longum esse Grammatici te docuerint, & ego supra. Sed enim mi Murete, inquam, in sono eius germano etiam hæreo. Nam Nigidius nihil differre illam Græcanicam ab *id est* simplici voluit: & Græcos irridet, qui discreuere. Quod si est: ruunt quæcumque de Biuocalium sono sonuisti. Par enim omnium ratio. Eludens Muretus, Imò tuum fulcrum ruit, in-

E

quit,

* cœtuitas.

quit, quo stabilita à te vulgi hæc * *ixvbm̃s*. Non enim eamens Nigidianis verbis, quæ, si lubet, audi: *Græcos non tanta inscitie arcesso, qui v ex o & v scripserunt, quanta quies ex e & i. Illud enim inopiâ fecerunt; hoc, nullâ necessitate subacti.* Hoc saltem vult

Remota ea,
Ch vera mēs
Nigidij crui-
ta.

Quis sonor
in EI & I
longâ.

* Germani
benè etiâ, qui
Mem, &c.
sic scribunt,
sic efferunt.

litteratissimus ille litterator: Græcos iustè repperisse & diphthongum, quia non illis V Latinum, quod exprimeret hunc crassum sonum. non iustè eosdem idem in e fecisse, quia subire vtramque vicem potuisset longæ aut brevis. Ne autem, Lipsi, erres: Il longum (dictum etiam mihi antea) incidit in sonum prorsus EI. Quis igitur ille? me arbitro, qui vobis Belgis in * *My, Ghy, Sy*. Imò illud primum planè Latinum *Mi* est, & significatu & prisco sono. Soli enim pænè vos Europæorum duplex illud II. rectè scribitis, rectè effertis. nec aliter *Oueis, Omneis, Preimos*, Latini. Minus accedunt ijdem illi pronunciandi Magistri hodie, qui Gallico *Sein, Feint, Plein; Sinu, Fiêto, Pleno*, æquiparant. Nam scriptura quidem ista ipsa: sed effatio magis Ae accedit. Et vereor herclè vt idem hîc peccent, quod prisca ille Cotta: quem *Jota litteram tollendo, & E plenissimum pronunciando, non oratores antiquos sed mēsores imitari*, Crassus apud Ciceronem iocatur. Vocem à me, Lipsi, de Biuocalibus ne vltra expecta. Tu Nigidi habe etiam istam: Qui Græcos imperitiæ arcessis, cur non in culpâ simili tuos Opicos? Nam illos EI pro I longâ passim scripsisse, an nescis, an dissimulas? Si illud, parum doctus: si istud, parum bonus.

Ciceroni fa-
cili lux.

CAPVT XII.

Ad Consonantes ventum. de vicinis inter se, quoque Capite dictum. isto, de B. V. P. F. Quid in Be efferendâ, & à quibus gentibus peccetur? an defendi possint? Dubitatum de sono V Digammæ, & pluscula ad eas argutias. De F germano sono. A Scaligero abimus & Fabio. Ausonio lucem damus, & medicinam Charisio.

Consonan-
tes, quæ adso-
nant, inter se
iunctæ.

CONSONANTIVM æquor nunc insistam, tertio isto velut Missu. sed verè æquor. Planiciem enim meram video, sine salebris, ac pænè sine cliuo. Plerasque eas, plerique omnes, rectè & germaniter pronunciamus: & si qua

malè

malè, nec vitium nec emendatio eius obscura. Vulgatas hîc distinctiones non sequor, Mutarum aut Semiuocalium. Per se enim frigida, & ad ineam rem ineptæ. Potiùs, vt aurigæ equos in curribus per colorum quædam paria disponunt: sic ego consonantes iugabo, ex viciniâ quadam sonorum. Quadrîga mihi prima hæc:

B. V. P. F.

De primâ Aufonius: -

Diuiduum Beta monosyllabon, Italicum B.

Ideò Diuiduum: quia mediâ illius & primâ parte effertur *Be*. Ea sole sonû non habent.
Nam cùm habeant hoc consonantes, vt solitariae sonum non efficiant, luctenturque, vt sic dicam, intra claustra oris: subueniendum adiunctâ Vocali est, quæ velut obstetrix edûcat. Sed

Græci aut Hebræi pluribus id fecêre: compendio magis nostri, qui vnâ omnibus litteram dederunt & eandem. E enim præposita in effatu auditur, aut subiuncta. Præposita in istis, EF, EL, EM, EN, ER, ES. Subiuncta his: BE, CE, DE, GE, PE, TE. Nam HA, nec littera quidem est: QV, & KA, superuacua: IX, Y, Z, Græcæ, & Græcâ ideò nomenclaturâ. nisi

quod XI illorum, nos IX fecimus litteræ translatione. Sed vt de argumento meo propriè: B, sonum habet medium inter P & F. Exprimitur *labijs cum celeri quodam impetu reclusis*. Benè

Europæi plerique hodie. excipio Germanos qui indurant, & ad P deflectunt, cùm gaudent *Pono suo Vino*. & Hispanos itemque Vascones; qui molliunt & ad V digamma torquent, homines sobrij & quibus non placet *Bibere* sed *Viuerè*. Nec miror. Trebrum enim nimis, vt litteræ inter se vicinæ migrent & alternent. Quod pro Germanis fit; P, pro B, frequentarunt

prisca: & est in loco eius sonus. Quintilianus fatetur, *cùm dico* OBTINUIT, *secundam B litteram rationem poscere, aures magis audire P*. Et sanè auribus paruerunt plerique olim scriptores aut sculptores. Sic in Tabulis antiquissimis Fuluianis, APSO-

LVTVS ESTO, leges: item, QVEICVMQVE. VOLET. SVPSIGNET: & in lapidibus vulgò, APSENS: OPSIDES: PLEPS: POPLICVS: actalia. Festus etiam siue Verrius, qui *Brassicam à præsecando* deriuat, quomodo non durus, nisi ad spectu ad duriores hunc sonum? Benè igitur Terentius Scaurus: *B cum P consentit, quoniam*

niam origo eorum non sine labore coniunctio^{ve} reuelli à quoquam potest. Græci Πυρρίαν, nostri Burrhiam: & quem Pyrrhum, antiqui nostri Byrrum: Balatium, Palatium. Item Poplicolam, Boblicolam alij: Scapillum, alij Scabillum dicunt. Nec dissimile quod * Plutarcho notatum, Delphenses Β pro Π, vsitatos esse: quorum fuit βατεῖν & βινδόν, pro πατεῖν & πινδόν. Iam de Hispanis quid, Lipsi excusent? bene, si non accusent ipsi vltro. Ita multi errorum suffragatores, Grammatici, lapides, libri. me iudice, tamēn errori, sed prisco. Ecce * Adamantius Martyr iam olim librum integrum hoc titulo & argumento scripsit, *De V & B litteris*. quæ voces scilicet hanc aut illam reciperent; quasi in breui discrimine, & quod confunderet sapē vulgus. Quamquam ille non vsquequaque * ἀδαμαντίν & mihi μαρτύρ. Miscet enim ē scholico suo puluere: & scribes, inquit, *Besicam, Nebum, Baluas* pro foribus ædium, *Bernam*, pro eo qui seruo natus: non *Vesicam, Neuum, Valuas, Vernam*. Item *Manuuias*, non *Manubias*: ab Ambio, *Ambibi* non *Ambiui*: apud Persium — *baluá de nare*, non *balbâ*: & argutiarum eiusmodi dapes, haud satis ad meum gustum. At lapides, vide quàm hîc Hispani. DANVVIUS: VASE: VENEMERENTI: PLACAVILE: sculptum in ijs clarè vidi, pro Danubius, Base, &c. Contrà etiam, VIBA: CIBICA: VNIBERSVS: ATABIS: SIBE: PROBINCIA: ALBEI: CABATORES. pro, *Viua, Ciuica, Vniuersus, Atavis, Siue*, &c. Et tu, Lipsi, inter lustrandum, vel aliud agens hæc obseruabis. Iam libros veteres si vidisti, nōne in ijs affliduum hunc errorem? Piget exempla adferre. Pandectas saltem Florentinas (quarum ætatem pauci libri scripti æquauerint) inspicere: & videbis in singulis paginis peccatum hoc, non peccatum. Cur enim verè peccatum dixerim, quod peccabant tam vulgò? quin mores iam id, non culpa. Cùm pausam hîc aliquam faceret, ego interpellare sustinui ridens, Hem! vti acriter tu, inquam, pro pugnace gente pugnas? Et iamne ē Gallo Iberus? Arrisit & ille. Quidni? inquit. Placet Plautinum illud

Ut cumque in alto est ventus, exin velum vortitur.

Et nōne caussa mihi, cur non amem meos Gallos? Sed suspiro, & sileo: nos, Lipsi, hoc agamus. Crebram igitur commutationem

* In Questionibus Græcis.

Ab Hispanis, qui V pro B usurpant.

* Cuius Excerpta in Cassiodori Orthographiâ.

* firmus testis.

Adamantij neptia.

tationem litterarum harum vides. quæ occasio? adfinitas. quæ nunc quoque magna: & olim, nisi fallor, maior. Non enim ce-
 labo te meum sensum: quem vulgus hîc fortasse rideat, tu &
 probi probent. Litteram V, cùm pro consonante est, paullo
 aliter sonuisse censeo, quàm nos illam. Nunc enim vt F in-
 firmum & elumbe proferimus: at prisca mollius, & minùs
 impressè, quasi VV duplex. Quod dico, tale est. *Vinum, Val-
 lum, Seruum*, ita dicimus, quasi esset *Finum, Fallum, Serfum*. Re-
 ipsâ enim F audimus, sed fractum & imminutum. Atego
 existimem pronunciaſſe eos, *Winum, Wallum, Serwum*. ita in-
 quam, vt V illud consonans siue Digamma sonum mollem
 & velut suspensum habuerit, qualis est in *Quare, Quis, Quan-
 do*. Ego hac inopinatâ sententiâ percussus, Quid profers? in-
 quam. persuasurus hoc speras? Si Rationem audis & Veri-
 tatem, inquit, spero: si vulgus & opinionem, despero. Sed
 argumenta huic rei audi. Nemo veterum V, cùm Digam-
 ma aut potius pro Digamma est (non enim verba hîc captabis)
 duplicem ei affinxit sonum: Digamma autem in *Anguis,
 Quando, Suavis, Aqua*, & talibus est. habet igitur eundem
 illum etiam in alijs verbis sonum: id est, natantem hunc &
 mollicellum. Item: Pro adspiratione veteribus Digamma
 fuit, vt *Hircus, Hædus, Helena*, pro *Hircus, Hædus, Helena* (Gram-
 maticomnes testes.) at vulgata hæc expressio ad adspirati-
 onem siue halitum non accedit, * accedit mea nouicia. vera ista
 igitur. Tertiò: Græcicùm *Varum, Valerium, Veliam, Octauium*,
 & has formas scribunt, *ῥάρον, ῥαλέριον, ῥέλιαν, ὀκταύριον* scribunt,
 proximè sonum illum meum exprimentes. sonum ergo hunc
 veterem iure censeo. Ni esset: cur non *ῥάρον* potius, & *ῥαλέριον*?
 quod durius quàm Latinum illud fateor: sed propius tamen
 ad *Vi* vulgatam vocem. Nam quòd interdum Beta his talibus
 addunt, *Βαλῆρε*, pro *Valère*, &c. hoc quoque à me est. quia cùm
 Digammæ illius verum sonum haberent nulli, * inopiâ coacti
 ad quemuis potius quàm ad *φ* decurrerunt, à quo maxime sci-
 licet abesset. Quartò: Tritum illud omen quod Crasso na-
 ues conscendenti factum, vanum & longinquum est, si effe-
 ras more vulgi. Venditabat quispiam in portu, inquiunt, ca-
 ricas Cauno aduectas, & clamabat idemtidem *Cauneas*. hoc

De sono V cō-
 sonantis no-
 uicia nostra
 sententiâ.

Ea firmata
 quinque ar-
 gumentis.

* Nam *Helenâ* & *Welenâ*, pariter valdè sonanti: & est in Digamma manifestus flatus.

* Vide No-
 tas in fine
 Capituli.

* Germani
& Belgæ,
Wijn, W all,
W jek, Wan
Wee.

alludere & valere volunt, *Cave ne eas.* nōne ridiculè, nisi effras meo isto more? Quintò: Verba pleraque à Latinis intergra sumpta exteri enunciant hoc sono, * *Vinum, Vallum, Vicum, Vannum, Ve,* & infinita alia. pariter Latini *Batavros, VVandalos* & exterorum talia, scribunt per hoc Digamma. par pronuciatio vtroque igitur. Et versus ad me, Quid ad hæc Lipsius persuasi? Ego moto leuiter capite, Illud vetus Murete, inquam: Cras credo, hodie nihil. Quî possim tam noua? quâ totam Pronunciationem nostram non conuertis hac viâ, se euertis. Tu autem ipse, per fidem, seriò ita sentis? Ille ridens Si probas, sentio, inquit: sin aliter, ludo. & pomum hoc vel Eridos iccerim in magistrorum cohortem. Illi turbent, ne pergamus.

Littera P
enunciatio.

De P litterâ nihil dico. plana res: nec vidi qui in efferendo peccaret. Assidet B litteræ: nisi quod validius exprimitur, labi cum spiritu adductis pariter & diductis.

Littera F
sonus.

F in loco quarto. cuius sonum princeps Grammaticus (i sentio) efformat Maurus:

*Imum superis dentibus apprimens labellum
Spiramine leni (velut hirta Graia, vites)
Hanc ore sonabis.*

In quo ab-
imus a Scali-
gero.

Et, qui à Mauro mutuatus, Victorinus: *F litteram, imum labii supremis imprimentes dentibus, reflexâ ad palati fastigium linguâ, ni spiramine proferemus.* Efferenda igitur leni quodam spiri (vterque ita suadet) nec tam hirtè & asperè quàm ꝑ illa Gra Julio enim Scaligero hîc quî credam? validius sonare, quàm Græcam vult: quæ mollior est, & vt eius verbis vtar, *dilutius sono.* Errat ipse, aut mei illi. An Fabius dux ei in hanc mentem? malè. Dicere tale aliquid videtur, non dicit. Nam conuicium eius (ita verè appellem, non iudicium) de hac littera istud: *Illâ quæ sexta est nostrarum, penè non humanâ voce, vel o nino non voce potius, inter discrimina dentium efflanda est: quæ etiam cum vocalem proximam accepit, quassa quodammodo; vti que quot aliquam consonantium frangit, multo fit horridior.* Non enim hponit, valentiùs sonare quàm Græcam, sed inamœniùs. nec tamen id ipsum cur ponat, satis scio: nisi quia illam adspirat fortasse mitigat, quæ reuerà vegetatio quædam & velut animæ litte

Fabius ini-
quus in hanc
litteram.

litterarum. Hâc destituta nostra, grauior quodammodo fit & tristior. Sanè quin discrimen inter vtramque sit, non negandum: etsi neglegi id video à nostro vulgo. Cicero auctor clarè, in eâ pro Fundanio: vbi testem Græcum irrifit, *quòd primæ eius nominis litteram dicere non posset*. Et cur non potuit? Aspirauit videlicet, & P illud insitum magis expressit, ritu suæ gentis. Itaque dupliciter peccans, sic pronunciauit, quasi si esset *Pshundanius*. Hoc ridet Catoni ridiculus ille consul. Quæ dico, Priscianus allaudat: cùm ait *F Latinam ferè similem q Græcorum*. Ferè, ait. cur? quia (hoc enim pòst addit) *non fixis ea labijs pronuncianda, vt P & H*. Optimè. Experire enim: figuntur tibi labiæ & pressim cum risu clauduntur, cùm illud q exprimis, seruata vi P litteræ, & adspiratione non neglectâ. Aliter in Latinâ est: me audi. Græcæ illius sonum ostendit, & in eo lusit Ausonius, obscæno & obscuro Carmine in Eunum:

Discrimē inter q & F.

Ausonio illa lux.

Cui ipse linguam cùm dedit suam, Æ est:

Veramq̃ue in illis esse q notam sentis.

Vult enim indicatum putorem & sentinam turpissimæ illius partis: quam cùm liguritor ille attigisset, meritò q illud pronuntiabat, quod solemus in odore tetro. Apud Plautum senex, cùm Pseudolus ei in os irruçtasset: *Phu, in malam crucem*. ita leges. In Charisio pessimè scriptum de Interiectione: *Fa-fæ, vt cùm putoris aliquid perhorrescimus, quæ vox numquid Ægyptium pathos ducit?* Repone, *Fu, fu*, cùm putoris, &c. Et vsurpant hodie in abhorrendo pleræque hominum gentes. Sed de Flitterâ: abit ea quidem à B longiusculè: altera pro alterâ tamen scripta olim & dicta. *Bruges* pro *Frugibus* apud Ennium Cicero & Fabius agnoscunt: *Sifilam* & *Sifilare* pro *Sibilo* Nonius: & Macedones Βίλιππων pro Φίλιππον, Βαλαμρόν pro Φαλαμρόν dixere, auctore * alibi Plutarcho. Quin legi imò, in simplicissimæ antiquitatis Sc^{to} de Tyburtineis: DE. EEIS. REBVS. AF. VOBELIS. PECCATVM. NON. ESSE. Quadriga hæc peregit suum cursum.

Phi, vel Phu, in tetro odore.

Correctus Charisius.

*F loco B scrip-
pta.*

** In Quæst. Græcis.*

NOTÆ.

N O T Æ.

NEGAVI Græcos litteram habuisse, quâ exprimerent V digammos.
Et verè: quia perierat illa Æolica, nō minùs quàm apud nos Clau-

Quintiliani
verus intel-
lectus.
diana. Quintiliani dictum sic capiendum lib. x. cap. xii. *Ipsa etiam*
vocales duæ efficiunt sonum, qualis apud Græcos nullus est, ideoq; scribi
lorum litteris non potest. De veris Vocalibus accipis? erras. nullæ eni-

Græci V & I
consonantes
ignotæ.
nobis tales, quas non assequatur & signet diserta illa Hellas. Duas in-
tellegit, I & V cùm transeunt in Consonantes. Nam nec hunc quiden-
sonum qui est in *Iugurtha*, *Iuba*, & talibus, exprimunt Græci: quibus
Iota numquam coalescit. At de V, clarum quàm sudent.

Digamma
quid, & cur
dicta?
** Quamq; a*
& in parte in-
clusus ille. Nā
sæpè ubi W
duplex, G
scriptum re-
peries: ut
Wilhelmus,
Guilhelmus:
Waltherus,
Gualtherus.
Obiectiuncu-
la aliquot
remota.
Correcti
Grammatici
pluribus.
Diducere ad finem Capitis tenuia hæc nolui: si aues Lector, cap-
hæc pauca. Digammos à figurâ dicta, non à * sono. Picta enim vt
inuersum, id est Gamma Gammatæ superpositum. Claudiani imperij la-
pides (nam eo Principe noua littera in gratiâ & vsu) referunt, DIA-
AVGVSTAI. & AMPLIARIT. TERMINARITQVE. ac plura, quæ legi
descripti Romæ olim. Grammatici aliquot veteres de nouicio hor-
quem inieci, sono, in me pugnaturire videntur. falsò: quia falsa in
Verba. Terentius Scaurus, ait: *hanc litteram V consonantis vice fung-*
& poni pro eâ quæ sit F. Si pro F, quomodo stat illa mea elatio? Sed scr-
psit ille disertè, *quæ sit F.* Corrupta ab ignaris est nota. Vt in Anna
Cornuti istis: *Est quadam littera in F littera (verte F) speciem format-*
que Digamma nominatur. Ad huius similitudinem soni, nostri coniun-
ctas vocales Digammon appellare voluerunt: ut est, Votum, Virgo. itaque
in primâ syllabâ digammon & vocalem oportuit poni, Fotum, Firgo: (e-
dem corruptio, rescribere) quod & *Æolijs fecerunt & antiqui nostri, sicut*
quibusdam libellis scriptura declarat. Hanc litteram Terentius Varro du-
vult demonstrare, ita perscribit V A. Qui ergo in hac syllabâ sonus est, idem
littera erit. Adscripti locum, quia me aliquâ iuuat. Ait Varro gen-
magistrum illum magnum, ad sonum exprimendum scripsisse *V A.* hoc
falsum. Vnde enim ego nunc scitior, *Va*, an *Vi*, an *Ve* scripserit? sed co-
rigo *VVA*, geminatâ litterâ: siue mauis *VVA* V, ex Victorino. Ille eni-
sic: *Æolijs F* (corrigere, vt supra) *idem valet quod apud nos V, cùm pro con-*
sonante scribitur, vocaturq; Bau & Digamma. Ambigas an non ille vo-
luerit scribere & exprimere, *Bau*. Scaurus nos iuuat, qui disertè *V conso-*
nantis loco poni, id est pro Va, in Quis & Qualis, adfirmat. Atqui *VVA* hi-
audis, non *Va*. Quintilianus de eâdem: *Antiqui Jædum Jædusque*
(ita scribo) pro aspiratione Vau simili litterâ vtentes. Priscianus idem
Digamma, id est Vau, ab ipsius voce profectum teste Varrone & Didymo.
De sono Terentianus aliquid:

Vt Vade, Veni, Vota refer, teneto Vultum:
Crenisse sonum perspicis, & coisse crassum.

sed ambigūē, vti reuerā etiam ego ambigo: & disserta hæc à me, non asserta. Illud mearum aurium iudicium non celo: suauiore litteram hæc duplici natam non videri, post litteras natas.

CAPVT XIII.

De C. K. Q. G, vicinis litteris. Refutati qui primæ sonum duplicem adfingunt. In K litterā Ausonius illustratus idem iterum in Q & correctus. In C Festus emendatus. Singulæ hæc litteræ, quando natæ. quid conueniant, quid discrepent? & plura Grammatici pulueris.

IVN GO quadrigam alteram. quam trahent mihi equi non concolores solum, sed gemelli, imò iidem. C. K. Q. G. ijs ^{C littera vocatus.} nomina. quos à vi, aut soni indole, quā discrimines? ægrè possis ex mente veterum: qui adeo eandem censuerunt, vt vnā vice omnium diu sint vsi. C sola iis locum munusque aliarum trium tenuit: donec natæ inuectæque illæ, vix ob necessitatem, sed ornatum. Videbo tamen singulas, & si quid in aliquā eximium, dicam.

C prima & vetustissima est. quam in locum Kappa Græcænici venisse non est dubium: in locum, sed & in sonum. Planè pleneque vt K elata semper. Nec assertione res egebat. quis enim Grammaticorum aliter vñquam tradidit? nisi quod hodie prauus & pertinax in eo error inoleuit. Duplicem ei sonum dedimus: alterum vt debuimus, alterum vt voluimus. Et cum à vocalibus quidem A. O. V. aut diphthongo *Av* excipitur, suum ei relinquimus & priscum sonum. efferimus enim *Caput, Corpus, Cubitum, Caudam.* cum ab E. I. Y. Æ. OE; nouum ei damus & ante-æuo inauditum. Enunciamus enim cum crasso & molesto quodam * sibilo, *Ceram, Cippum, Cyrum, Cenam, Coenum*: effatu, quem littera nulla habet, nulla habuit. Ad Z aut S accedere videtur, non attingit. Quæ hæc peruersitas? quis auctor? apex non est in veterum scriptis qui stabiliat: & mos ille tantum à malâ quâdam libidine peccandi. Omitto Grammaticos omnes, qui C cum Kappa æquiparant clarè: ratio ipsa quàm repugnat? *Capio* rectè effers: *Cepi* ab eo, cur aliter? cur *Incipio*? *Eccum* & *Eccam* audio: *Ecce* producit in aliâ soni

Eius sonus geminus, ut K.

Nos corruptum.

* Nec ambige, quin isti sibili à Barbaris sint. *Refutatus is error, sine contumacia.*

veste. A *Casto Incestum* formari, quî vox tua me doceat? & multa alia, quæ labem & ambiguitatum agmen inuexere in Latīnam linguam. *Silicem* aut *Cilicem*, ex enuñciatū nostro aure non discernant: non *Cyrum* aut *Syrum*: *Sepio* aut *Capio*: *Cellan* aut *Sellam*: *Seruum* aut *Ceruum*: *Discere* aut *Differe*: & quæ milena: Pudet non tam erroris, quàm pertinaciæ. quia corripī patiuntur, at non corrigi; & tenent omnes, quod defendat nemo Itali, Hispani, Germani, Galli, Britanni in hoc peccato: à quā gente initium emendandi? Audeat enim mihi vna aliqua, & omnes audient. Sed de C satis. cui verum pronunciatum dabis, si efferes *adductā leuiter palatum versus linguā, eiusdemque ad dentes, cum spiritu aliquo, appulsū*. An & hoc addo? cū S eam præcedit, malè exprimi hodie: efferendam autem velut Sk hoc modo, *Skamnum, Skena*, &c. quæ nobis sunt, *Schamnum Schena*.

Sc. qui efferendum.

K littera superflua.

Vfus tamen eius, ut volumus ante A.

Et ad notandum.

Sequitur K littera. quæ Græcanica mera est, & in Latium veniit non ob vsum, sed ob luxum. Verè enim superfluit: & saniorum litteratorum nemo id negauit. Nam quod nonnulli vsum & locum ei faciunt, quoties A excipit: vt in *Kaput, Karina, Karthago*, ac similibus: nouitia ea regula, sed & falsa. Fateor sæpè locum ante A habere, imò vix alibi: atque ita in lapidibus lego, *KARVS. KASTITAS. PARKARVM. PALIKANVS. EVO. KATVS. DEDIKAVERVNT*. sed sæpius aliter, & firma non ei sedes, nisi in notis. *Quintiliani ista mens: K quidem in nullis verbis vtendum puto, nisi quæ significat etiam vt sola ponatur*. Terentiani eadem:

K similiter otiosa ceteris sermonibus,

Tunc in vsu est cū Kalendas annotamus aut Kaput,

Sæpè Kæsones notabant hac vetusti litterā.

Vult K solitarium tribus vocibus notam esse, *Kalendis, Kapiti* (in legibus *Capita* ita notabant,) & prænomini *Fabiorum*. *Capella* item in triplici saltem nomine locum dat, sed pro *Kæsonibus*, *Kalumniā* supponit. *K nunc nota esse putatur, nunc littera. nam eius effectus C integrare non dubium est: absque his Kapita, Kalendæ, Kalumniæ*. Vbi nescio an veriùs legeris, *non littera*. Quia igitur ex plurium vsu sedes ei in trinâ tantum fedes, *Aufonius scripsit:*

Aufonius illustratus.

Hec

Hæc tribus in Latio tantum addita normibus K.

Ita enim lego & clarifico versum, in quo interpretes caligant. Quando nata hæc littera, haud liquidò scio. vix opiner ante bella Punica, sed nec diu post illa: quia in Sc^{to} de Tyburtinis reperio SVB. AEDE. KASTORVS. Isidorus ad Sallustium quemdam refert: K litteram, inquit, Sallustius Ludimagister postea Latinis adiecit, ut in sono discrimen duarum litterarum faceret, C & Q. *Quando nata &.* Ad discrimen autem duarum aliarum repertam vult. quod illud: cedo Isidore, si potes: & hilum si inuenis, nihili homo ego. Sed credo, iam tunc tuo æuo obtinuit barbara hæc in C pronuntiatio, quam dixi & refutaui. Tu Priscianum mihi audi: K & Q, quamuis figuræ & nomine videantur aliquam habere cum C differentiam: tamen eandem, tam in sono vocum quam in metro continent potestatem. Et Terentianum: *Isidori alumnus.*

Refert nihil K prior sic, an Q, an C.

Ad Q venio. quæ ipsa reuera non tam interest litteris, quam supereft. Cur enim C non satis ad eius vices? Fuit olim: sed visum hanc addere, quoties V sequeretur (neque aliter) ad efficiendum pinguiorem illum sonum. Sed dicant, cur in G non idem factum? Aliter enim paullo & illa sonat in *Anguis*, quam in *Angis*. sed non hoc litterarum naturâ fit, verum vocalium à quibus exceptæ & quibus mistæ. Capella: Q quidam litteram non putabant: & vincerent, nisi in Equo & Equitatu appareret expressè. Constat autem ex C & V. Aufonius eam componi vult ex duplici C, recto & inuerso. Eam enim ego mentem obscuri versus illius cenfeo, quem non vidi qui explicaret, imò qui legeret rectè: *Q litteram vidiri super rare.*

Præualuit postquam Gamma vice functa prius C.

Atque alium pro se titulo replicata dedit Q.

Lego, titulum. C, inquit, replicata & conuersa nouum pro se titulum siue indicem litteræ dedit Q. Inspice enim. ex duplici C, recto & inuerso, illud Q aptissimè compinges. Possis & legere, Atque aliam pro se titulo. Hæc est illa littera, quam magister Fabius duritici damnat: Duras & illa sillabas facit, in- *Q dura littera.* quiens, quæ ad coniungendas demum subiectas sibi vocales est utilis, aliàs superuacua: ut Equos ac Æquum scribimus.

G quartam posui. quæ ipsa, * vi & sono à C quantulum ** Imò vix formâ Apex saltem, ut Maurus notat, ad cornu C infra additus.*

C & G vi-
cina.

Festus corre-
ctus.

Bello Punico
primo G non
nata.

* In Prodi-
gia. vide.

Festus leui-
ter emenda-
tus.

* In Orcum.

G littera so-
nus & ex-
pressio.

In eo vitium.

Germanis
hac littera
in corrupta.

abit? Ne miremur priscos diu hanc vsitatos, pro illâ. *Acnâ, Lece*
Acro Cabino: pro *Agnâ, Lege, Agro Gabino*, Victorinus notauit
 & in tabulis Iudiciarijs ego ipse legi, QVI. IOVDICARE. NECA-
 RINT, pro *Negarint*. Et Grammatici testantur hoc vulgò. Fe-
 stum emendari hac occasione censeam, *Camelis virginibus sup-*
plicare nupturæ solitæ erant: & scribi, *Camelis virgines supplicare*
 Nam intellegit *Gamelios deos*, priscâ hac ratione per C scriben-
 di: quos virgines & puros ad rem nuptialem aduocare san-
 ctum. Terentius Scaurus: *Cognitionem cum G habet*. & ideo
 alij dicunt *Gaunacem*, alij *Caunacem*: item *Camelum, Gamelum*
 Hanc scripturam retentam arbitror ad bella Punica: argumen-
 to nec infirmo nec infido, quòd in illâ Duillij Columnâ sola
 C nôta. Ibi enim LECION. MACESTRATOS. PUCNANDOD
 pro Legion. Magistratus, Pugnando; & non simplici archai-
 smo, EXFOCIONT pro Effugiunt, sculpta. Atque hoc est
 quod Aufonius scripsit, — *Gammæ vice functa prius C*. Nam
 * Festus quòd obniti videatur; *Quæ nunc C appellatur, ab anti-*
quis G vocabatur: nihil est. fallit scriptura, & non ille: quam
 dirige, *Quæ nunc G appellatur, ab antiquis C vocabatur*: siue
 etiam, notabatur. Ipsemet * alibi: *Antiqui per C litteræ formam*
nihilominus G vsurpabant. Viciniam vides. nec nego tamen,
 quin sonus G litteræ paullo diffusior sit & inollior: quem re-
 ferres, *appulsâ ad palatum linguâ, modicello interuallo, lenem spiritum*
emittens. Nos hodiè quàm peccamus? Italicorum enim pluri-
 que vt Z exprimunt, Galli & Belgæ vt I consonantem. Itaque
 illorum est *Lez ere, Fuz ere*: nostrum, *Lejere, Fujere*. Omnia im-
 peritè, ineptè. Germanos saltem audite, quorum sonus hîc
 germanus, *Legere, Tegere*; vt in *Lego, Tego*. nec vinqum va-
 riant. at nos ante I. E. Æ. Y. semper: dicimusque *Iemam, Jæ-*
tulos, Finiuam, Jyrum, pro istis, *Gemmam, Gatulos, Gingiuam, Gy-*
rum. Mutemus, aut vapulemus.

CAPVT XIII.

De litteris D & T. Huius vitiosum hodie in parte sonum esse: nec inuari à falso Papirio. An T, Vnum significauerit? Isidorum forte an correxerim. Lapidibus data lux.

BIGAM ecce leuem interpono: in quâ D. T. iugales. D & T vi-
cinæ. Quòd vicinæ inter se, quodque adsonent, cur te moneam? Ipse vides. & passim etiam nunc in libris paullò antiquioribus, *Set*, & *Sed*, *Haut*, & *Haud* alternant: inque lapidibus, QVODANNIS: ADQVE: CONTRA, ATFINIS: ATLECTVS: QVIT pro *Quid*, ac talia. Effertur hodie vtraque rectè (nec præitione meâ ad sonum opus:) excipio, quòd peccant in T, quoties ea vocalem I anteit, & hæc aliam. Q. Papirius quispiam auctor & tutor huic culpæ aduocari potest: cuius hæc lègi verba. *In-
stitia cùm scribitur, tertia sillaba sic sonat, quasi constet ex tribus lit-
teris T. Z. & I. cùm habeat duas, T. & I. Sed notandum, quia in his
sillabis sonus iste litteræ Z inueniri tantum potest, quæ constant T, &
I, & eas sequitur vocalis quælibet: vt Tatius, Otia, Iustitia, & talia.
Excipiuntur quædam nomina propria, quæ peregrina sunt. Sed ab his
sillabis excluditur sonus Z litteræ, quas sequitur littera J, vt Otij, Iu-
stitij. Item non sonat Z, cùm sillabam ti antecedit littera S: vt Justius,
Castius. O nugator! verè enim sic appello nebulam Gramma-
tici, non Grammaticum, & quem mihi certum nec esse qui-
dem à prisco æuo. Vnicum hoc Fragmentum hominis exstat,
nec aliud: cui ipsi vtinam lumbi & renes diu fracti! At enim
Murete, inquam, etiam Ciceronis iocus in *Actium* quemdam
id stabiliat: qui allusione nominis subiecit, *Æt*. Ergo vt
Græcorum illud *Ξ*. pronunciatum T. In fronte, inquit, aliquid
est: in re & inspectione nihil. Allusio fuit, sed in propinquo so-
no, non eodem. Et age, si ea pronunciatio; cur nemo veterum
de litterâ T tale aliquid prodidit: aut quæ caussa cur sonum an-
te I magis, quàm vocalem aliam, mutet? non dixeris. & sperno
audacter hæc ineptias vel vno argumento, quòd nulli Con-
sonantium (aliter quàm in Vocalibus) sonus duplex. Tu igitur,
Lipsi, ne audi. non item Isidorum: qui magnum scilicet arca-
num huius litteræ vulgat, *In breuiculis quibus militum nomina**

*T hodie in
parte vitia-
tur.*

*Falsus nescio
quis Papi-
rius.*

*Isq; cū vul-
go refutatus.*

De Isidori
affirmatione
hæsitatio.

Fortasse is
corrigendus.

V & Θ in se-
pulcris quid
notarint.

continebantur, T notam in capite versiculi positam, superstitem desig-
gnare: Θ verò ad vniuscuiusque defuncti nomen solere apponi. Ille
mihi sæpè sublestå fide: & certè hîc. Quæ enim ratio cur T
vium notauerit? aut quod alibi exemplum? Ego de V illud
verum scio: & valdè inclino, vt litteram eam potius hîc sit re-
ponendum. Nam ecce in sepulcralibus lapidibus, quoties
pluribus monumentum aliquod exstructum, adscalpi solet
qui ex ijs super terram, qui sub terrâ. Illis V præponebatur
prima scilicet in Viuus littera: istis Θ, quæ in Thanato capitalis
Noto & vulgo adhuc non vulgatum, & firmo his exemplis
In istâ vrbe, domo Episcopi Aquinatis:

Θ CN. OGVLNIVS. CN. L.

NICEPHORVS

*Hoc Theta
inclusum ita
Θ litteræ.

* (Θ) GVLNIA. CN. L. NICE

V. L. SAFINIVS. O. L. SVRVVS.

Vbi duo mortui signantur: postremus viuus. Item ad Maria-
num templum:

Q. EPIIVS. Q. F. CORRVP

Θ CLODIA C. L. SILENIO

Θ EPIA L. F. PAVLI VOTE

NNIANA MATER

EPIA M. F. POLLA.

* Item alibi:

V D. LABERI. DD. ET. O. L. SYMMACHI

Θ LABERIA. D. L. ET. O. MVSA

V D. LABERI. D. L. EVTICVS.

*In ædibus
Franc. Por-
tati.

Theta cur
mortualis
littera?

Aufonius ex-
plicatus.

Atque hæc fortasse caussa verior, cur Theta mortiferum di-
ctum, quàm quòd in iudicijs damnandæ ea nota. Aufonium
quidem ego huc adspexisse confirmem, cùm in impurum il-
lum Eunum scripsit:

Miselle doctor & tibi sit obscuro,

Tuumque nomen Theta fecit ilis signet.

* Scaliger in
Aufonium
acutissimè id
vidit & mo-
nuit.

Mortem enim ei precatur, & quidem à laqueo (ea forma e-
in * & contractâ:) & adscribi ad defuncti eius nomen opta-
Theta.

De sex litteris facillimæ pronunciationis iunctim dictum. N à Græcis aut Latinis sæpè omitti: sed malè.

DABO & seugem. sed quæ Circum peruolabit leui rotâ. In H. enim, I. L. M. N. R. quid insistam? De sono & elatione constat: & vix, si quis velit, in ijs peccet. Naturam autem aliam litterarum indagare, non hîc meum opus. H siue littera H littera, quæ efferenda? siue flatu est, molliter efferenda, nec vt robusti illi Germani. Post consonantes item molliter, sine stricturâ aut sibilo, quod malè in vsu quibusdam. Quamquam & veteres quosdam populos eam fortius pronunciaſſe censeam: vtique quibus ea pro F fuit. vt Faliscis. Nam istorum est *Haba*, pro Fabâ: *Hanula*, pro Fanulis, & quæ talia. I autem consonans, mihi sic sonat vt aliquid teneat è Vocali. non fixè nimis pressèque proferenda, vt Gillud corruptum: sed eo pænè modo, quem dixi in Digamâ eius sorore. L facillima & liquidissima litterarum. quis in eâ peccet? nisi Hispani fortè cùm gemina est, qui nescio quid ex I & L mixtum proferunt & fractum. M mugientem illam litteram, omnes rectè. N tinnientem, omnes rectè. R item: nisi quos ligauit aut vetuit natura. quod in Demosthene, Alcibiade, Aristotele, Scaligero patre. Sed de N hoc addo; mirari me, cùm tam suauiter ea sonet, omissam sæpè à Græcis aut mutatam. Illorum enim est μάλλος, qui Latinis *Manlius*: * Ορήςσις, qui *Hortensius*: & plura. Quamquam & Latini in hac culpâ: certè sculptores, in quorum lapidibus lego, CLEMETI, pro *Clementi*: COIVX, & INFAS: *Coniux*, *Infans*: MESES denique, *Menses*.

Et I consonans

Itè L in quo lberi peccant.

N sapienti neglecta à Græcis.

* Quod Lâbinus contra receptâ scripturam approbat, malo studio notatis.

CAPVT XVI.

De litterâ S, quæ multis veterum inuisa, & culpata. A nobis ea releuatur. Romani quàm crebrò vsurparint, & pænè ante omnes litteras? X crucem referre. quædam de variâ crucium figurâ. Artemidorus, & Maximus & Iffidorus Episcopi illustrati. De litterâ Z. & ordine omnium soni.

VLTIMAM in Consonantium hoc Missu trigam habe, Sigma littera multi hebes. ex S. X. Z. Equibus Sigma prius stabiliendum leuiter & de-

Eorū in hanc
conuicia.

* adulterinā.

* Capellæ
hoc scriptū.

Nos defendi-
mus. & illa
illoſq; refelli-
mus.

Pindaro re-
ſponſum.

Et Dionyſo.

Sibili quidā
vō inſuauis.

ſ littera re-
bus optimis
inſita.

Suauitatis
vā index.

& defendendum eſt: quia ſamam eius multi petunt, imò v
tam. Pindarus conuiciatur, & * *κίβδηλον* appellat: eiufq; odi
verſus compoſuiſſe dicitur *ἀντίμυς*. Dionyſius Rhetor cūm
attollat, hanc abiicit & turpi voce appellat *μελωδῆν*. Attici om
nes (quod non neſcis) oderunt, & ſuccedaneum ei ferè T de
derunt. Iam noſtri velut compacto conſpirant. & inter pri
ceres * Meſſallī, *ne litteram quidem eſſe, ſed ſibillum* ait. Inter ma
giſtros Fabius, *aſperam* pronunciat, & *in commiſſurā verborum*
rixantem. Quin ipſi priſci, Atticorum exemplo, eiecère: &
Mertare, *Pultare* illorum fuit, ſicut Ennij *Adgrettus fari*. Sed &
poëtæ tracti in partes: & in verſu ibi conſonans exciperet
plerumque hæc iugulata. Inde — *vitā illā dignū locoque*. &
— *omnib; princeps*: & in Plauti Terentiiq; fabulis obuia ex
empla. Miſella! quis tibi tutor in tam validos & tam calli
dos? affectu ego, neſcio an viribus: & fortalſe fuerim, vt ill
ait, *ſolatium potiùs litis, quàm auxilium*. Pindari conuicium pri
mò quī refellam? nec capio quidem. Adulterinam incertam
que litteram eſſe vult. Quid ita? nihil video. hoc ſcio, ſiue ſo
num, ſiue indolem aſpicias, germanam eſſe germanæ Voc
prolem. Siqua iuſtæ litteræ nota ei abeſt, magne vates: pro e
noter ego. At enim ſibilat. hoc, credo, voluiſti: & tecur
Rhetoriſta ille, qui appellat *Theriòde*. quod Serpentinam ſiue
Viperinam interpetramur, (malè alij *Ferinam* & *Brutalen*
quia ſibilus ſerpentum. En crimen! Quin tu litteram R igitur
ſpernis, quia canum? M, quia boum? B, quia ouium? Nam
irriunt hæc animantia, mugiunt, belant. Tamen cedò, cū
inuidioſum hunc ſibillum ſerpentium dicis: de ventis, arbori
bus, hominib; quid cenſebis? quorum ſibilos eſſe, & quorū
dem ſuauiſſimos, non negabis. Quid tibiis & fiſtulis facies
quas hoc argumento abiicies ex humanā vitā. Ipſæ ſerpen
tes vtinam hoc vno malæ! amem ego eas, adeò non culpen
Ampliùs dico. res optimas, res ſuauiſſimas, priſci nomenclato
res hac litterā notarunt, velut Naturā duce. In cælum ſuſpice:
occurrent, *Stellæ*, *Sol*, *Sidera*. In terram deſpice: agnoſces
Sefamum, *Saccharum* inter dulciaria. *Sufurros*, *Suauia*, *Baſi*
inter amatoria. & inter vitæ gaudia, *Somnum*, *Salutem*, *Sanita*
tem. Litterarum ipſe *Sonus*, quī ſine hoc ſono? Ineptè igitur &
van

vanè tu, qui humanissimam litteram indigetes *Theriode*: Plato verius, qui πνδματώδη. Rectè enim ita vegetam & spiritalem notulam agnominat: quamque homines amant & æstimant, qui ipsi tales. Maurus benè:

Vivida est hæc inter omnes, atque densa littera.

Attici spreuerunt, inquis. Quid mirer mollissimos mortali-
um? At non Lacones aliqui aut Thebani. Hoc ipso tempore, robustum hunc Sibilum robusti illi Germani adamant: fugitis vos (ne ægrè sit meo Lipsio) mollicelli * Belgæ. Perperam. nec id doceo: quia egit & peregit hanc caussam ante me Lucianus apud Vocalium tribunal. Et hæc eadem, in Messallam opportunè dicta mihi sunt. Fabius sequitur, qui asperam criminatur & rixantem. Bonâ veniâ Magister. à quavis causâ tibi odium in hanc litteram, non à Ratione. Te, in te, aduoco. Tu enim idem ibidem, Z mollissimum & suavissimum appellas. quâ potest si Sinuavis? Quidquid enim mollitiei in illâ est, debet esse ab hoc fonte. Nam D quæ immixta, etiam te iudice aspera est & duri casus. In illam igitur si æquus, quomodo iniquus es in istam? Sed profectò in toto illo iudicio, quo Græcanicum effatum supra Latinum ambitiosè tollis, plura tibi exciderunt iudicij non similia: & inter ea, istud. De priscis Latinis quod obijciunt: bellum. Vnam aut alteram v oculam adferunt, in quâ hæc mutatio: ego fecentas, in quibus alia. Nam hoc verissimum, priscos illos verè viros frequentasse virilem hanc litteram, & inseruisse aut substituisse, pænè dicam, affectatè. Ecce *Casmenæ* illorum sunt, *Dusmosus* & *Cosinittere*; pro Camenis, *Dumoso*, *Committere*. Eorundem *Ase* pro Aris, & *Fusui* pro Furuis, & *Valesij* & *Fusij*. Iam *Odos*, *Vapos*, *Arbos*, *Robos* dixere: & ab ijs ἀναλόγως *Odôsem*, *Vapôsem*, *Ar'bossem*, *Rôbossem*: quod * Festo credes. eiusdemque generis, quod Fabius notat, *Clamos* ac *Passes*. Nec *Stlatum*, *Stlirem*, *Stlotum* ignoras: pro Lato, Lite, Loco. item quæ è Græcis commutat, ἐρπω, *Serpo*: ἑπτά, *Septem*: ἀλ, *Sal*: ὕλαι, *Syluæ*: & multa. Postremum, ubi geminata ea: ut in *Cassus*, *Causa*, *Dimissio*. quod Ciceronis temporibus paullimque infra facilitatum ait Fabius. A quo more etiam in lapide legi, *BASSIS*, pro *Basis*. Quod poetæ tamen hanc omiserint: (id enim etiam obijcitur) quæso omit-

Responsum de Atticis.

* Qui T, itè substitui-mus: *Wat*, *Dat*, &c.

Ad Fabij cō-silium.

Qui nimius in eff. vendis Græcis, pre-mendis nobis.

Ad Latino-rum morem, responsum.

Qui crebri olim in hac literâ.

* In voce *Arbossem*.

De poetis, re-sponsum.

tant. Quis tam imperitus est, qui nesciat à versuum lege id esse non à contemptu? & fatin' hæc, Lipsi, ad veterum in hanc litteram amorem & honorem? satis. sonum potius eius videamus qui lenior paullò, quàm hodie efferunt, molliorquæ. Incrassamus enim, & haud lōgè pronunciamus à TS, *Sonum, Saccum*, & quasi essent, *t' sonus, t' saccus*. At * lenis ille effatus verior est, quem feruamus in medijs vocibus, *Misi, Piso, Asinus*, &c. Viros doctos non audio, qui efferri vt corruptum illud C volunt, *Seleucus, Sanus*. Malè: & transeunt in vitium, quod *Σευγμός* dictum Græcis. Terentianus à lenitate hac nostrâ est:

— agitur pone dentes

Sic lenis, & vnum ciet auribus susurrum.

* Vide verba eius, si vis, in fine libri.

X littera, crucis formam refert.

Cruces variè figurata olim. Vt T, siue ut malus in nauis.

Vbi, *Sic Lenis* malim: ex * Victorino qui ferè hæc transscripsit.

Ad X iam venio, cruciariam illam litteram. Non enim malè sic appellem; quia & figura hæc illi, & aures linguamquæ cruciat duro sono. Hic ego, Resiste paullum, inquam, et si properas. De figurâ non fallis? vereor. Nam ea in T litterâ consensus omnium, non in istâ. Vel Tertullianum audi: *Ipsa est littera Græcorum Tau, nostra autem T species crucis*. Ille promptè: Hoc, Lipsi, non nescio, inquit. sed tu quoque scito, Crucis non vnâ olim formam. Formabât, vt dixisti, recto & transuerso ligno ad T formam, siue ad mali cum annexâ antennâ. Ita enim Ausonius:

Malus vt antennam fert vertice, sic ego sum T.

Et ideò cū naui Artemidorus comparat lib. 11. Εκ ξύλων, inquit, καὶ ἡλων γέγονεν ὁ σταῦρος, ὡς καὶ τὸ πλοῖον, καὶ ἡ καταρτία αὐτῆς, ὁμοία ἐστὶ σταυρῷ. E lignis & clauis crux componitur, vt & nauis. sicut conformatur etiam nauis, similis cruci. Appositè D. Maximus Taurinensis Episcopus: *Cū à nautis scinditur mare, prius ab ipsis arbor erigitur, velum distenditur; vt cruce Domini factâ, aquarum fluentia rumpuntur*. Atque hæc vulgata forma. sed nec illa infrequens ex lignis decussatis, quâ X littera repræsentat. De eâ Isidorus: *X littera & in figurâ crucis, & in numero decem demonstrat*. Vtraque illa in Constantini nummis conspicitur, cū adscriptione IN. HO VINCE. * Seneca ad hanc varietatem: *Video istic cruces non vni quidem generis, sed aliter ab alijs fabricatas*. Sed redeo ad meam sententiâ, & pergo de sono: qui in istâ durus, ex C & S mixtus. Ideò monumentis altera ea littera sæpè etiam iuncta. vt, VICXI

Item transuersa vt X.

* Consolatione ad Martiam.

Sonus litteræ X.

IVNCXIT. & CAPPADOXS. CONIVXS. Quin veteres CS, aut GS, pro eâ scripsêre; nec reperta X ante Augusti ævum, si credo Isidoro. Nigidium quidem in libris suis spreuisse vt, lego apud Victorinum. In hac efferendâ peccari admodum non video: igitur pergam.

Superest mihi Z quam valere * DS consensu tradunt. ideo & sic efferenda. *Dsona, Dseno, Dselus, Madsa, Medsentius.* Nos hodie pessimè, qui molliùs quàm ipsum Sigma. Quia adfinitas cum D illi: ideo in eam sæpè mutat, & contrà. *Zetha, Dietha: ζεθάλλα, ζαβέλλω: & Zabolus* pro Diabolo ferè semper apud Paulinum Antistitem Nolanum. Quintiliano Z & Y apud Græcos nullæ dulciùs spirant. & approbo: etsi Appius Claudius (Capella refert) hanc litteram reformidavit, quòd dum exprimitur morientis dentes imitetur. Ita aurium iudiciû, Lipsi, varium, vt & sensuum aliorum. At ego de Elementariâ Pronunciatione campum hunc decurri: restat ille, qui de Accentuali.

* Etsi Latini sæpè vertunt in SS duplex. *μάζα, massâ: παγίζω, parisso, &c.*

Z littera ali- quid ex D trahit.

CAPVT XVII.

Ad Accentus transitum. eorum in Pronunciatione vtilitas, siue necessitas. Desiniuntur, diuiduntur.

QUEM veteres aliquot nouique decurrerunt, fateor: sed cui non leui rotâ etiâ ego? Ordo sermonis huc me ducit: & quis scit an non planius aliquid aut plenius dicam? Conabor. Tu tantum Lipsi, scin' quid te velim? Iube, inquam. Illud Cælianum, ait: *Dic aliquid, vt duo simus.* Nam hætenus audis me nimis obnoxie, non solum intentè. Vt autem ex lapidum attritu ignis elicitur: sic sæpè veritas ex alternantium, imò & altercantium sermonum conflictu. Sed enim quid obloquar aut interloquar, inquam, vbi res non anceps? Sic mihi visa, quæ adhuc dicta. In alijs siqua mihi salebra aut abruptum, reuocabo liberè & sistam. Tu perge, nec respice. Ridens ille, Atenim Plautus noster, inquit, hoc probi agitatoris esse voluit. Sed capio iterum lora, & quò cœpi, aurigor. Pronunciationis pars mihi facta altera, Accentus. Iure. Elementaris enim illa quâ sufficiat? Quin vt in citharâ parum sit nervi cuiusque sonum nosse, nisi efficere possis iunctum ex iisdem

Accentus in reâ pronu- ciatione adhibendus.

Definitio
eius, largiter
sumpti.

concentum: sic frustra elementa mihi rectè efferas, nisi ex ijs & voces. At has non potes, sine iusto legitimoque ACCENTV quem communiter & largè cum Grammaticis definitio, modum omnem quo sillaba afficitur, in loquendo seu scribendo.

Diuisio.

Eum in quattuor partes distinguo. In

TEMPVS:
quod duplex:

LONGVM: quo sillaba talis producit in effatu
aut in scriptu. cuius nota lineola producta
siue Apex - : sic, *Mālus*.

BREVE: quo sillaba talis contrahitur in effatu
aut in scriptu. cuius nota Sigma supinum
V: sic, *Mālus*.

* ἡ δὲ dicta
Græcis.

SPIRITVM:
qui duplex:

LENIS: qui sillabam tenuiter & sine flatu ef-
fert. cuius * nota olim sinistra pars H diui-
sæ ¶: sic *¶amo*. nunc semicirculus læuus
vsurpatur: sed à Græcis. Nam Latini re-
ctè omiserunt, contenti defectum flatus
notare defectu notæ.

DENSVS: qui sillabam vberiore flatu stipat &
inspirat. cuius * nota olim dextra pars H
incisæ ¶: sic *¶amus*. Nunc nobis H-inter-
grum seruit, Græcis semicirculus dexter.

* ἡ δὲ dicta
Græcis.

CONIVNCTIO siue σύνθεσις: quā duas discretas
voces sic coniungimus, vt vnita videantur. cuius
nota semicirculus pandus -v-: sic *Ante,uo-*
lans. Ante,dux.

DISCRE-
TIONEM: quæ
triplex:

DISIUNCTIO siue ἀσύνθεσις, opposita prio-
ri: quā voces, quas imperitè possimus iungere
disparamus. eius nota, dextra pars circuli ac-
utrimas litteras deposita, : sic
— in litore conspicitur, *sus*. ne legas *vsus*.

AVERSIO siue ἀποστροφή: quā litteram litterarū
ve suppressimus & auertimus loquendo scri-
bendoque. eius nota pars circuli sinistra ac-
summas litteras deposita, °: sic
— tanton' me crimine dignum.
& *Mult' ill' & terris*.

TENOREM: { ACUTVS. } de quibus deinceps singillatim
 qui triplex: { GRAVIS. } dicimus.
 { FLEXVS. }

CAPVT XVIII.

*De Tenoribus propriè. quibus alijs nominibus dicti? quid sint? quotu-
 plices sint? Definiti omnes, & notulis suis insigniti. De Sigmafor-
 mâ per occasionem dissertum vberius.*

ATQVE hæc generalis diuifio Accentuum: posita sic à
 priscais, paullò aliter à me disposita. è quibus loco po- Tenor inter
Accentus
præcipuus.
 titremus ille, re primus. Si enim dignitatem & vsum spectes,
 anteit alios: & eximiè Accentuum nomen sibi vindicat inter
 omnes. Reliqui affectionem aliquam sillabæ dant, & sæpè le-
 uem: hic vim & vitam. Marcius de isto benè: *Animam vo-
 cum esse, & Musices seminarium.* Nec alius sanè est, qui aut Pro-
 nunciationem magis ornet rectus, aut deformet prauus. Ita-
 que paullò magis cum curâ mihi de eo dicendum, vt qui prop-
 riè spectet ad meam Spartam. Speciem igitur hanc Accen- Varia eius
nomina.
 tus, Lipsi, Græci dicunt *τόνος*: Latini ab eo *Tonores* olim, pòst
Tenores: atque etiam, *Voculationes, Moderamenta, Accentuuncu-
 las*: imò exoche quâdam, *ἀνὰ δὲ Accentus*. Reuerà enim eleua-
 tio illa & depressio sillabarum, quæ per Tenores, super omnes
 alias species, simile quiddam habet cantu. Capella *Fastigia* etiam Fastigium.
 & *Cacumina* appellat: me iudice, metaphoris aptis valdè & ho-
 nestis. Caput suum huic argumento inscribit, *De Fastigio*: & in-
 serit, *Accentus partim Fastigia vocamus, quòd litterarum capitibus
 imponantur, partim Cacumina.* De voce habes: rem definitione
 nunc explico. TENOREM *mensuram* esse aio *sillabæ*, in Definitio
Tenoris.
scriptu aut effatu, ex lege siue more. Mensuram pono: quis neget? Ad
 quantitatem enim Tenor pertinet. in quâ cùm dimensio tri-
 plex, Alta, Lata, Longa: ad primam hic referendus, ad alteram
 Spiritus, ad tertiam Tempus. Discretio aliena à Quantitate
 est, ideoque nec propriè Accentus. Mensura autem hæc in sil-
 labis pariter triplex: quæ attollit pronunciando. quæ deprimi-
 t. quæ vtrumque. Inde totidem Tenores: quos indigetamus Diuisio.
Acu- tum, Grauem, Flexum. ACUTVS est, *qui sillabam intendit acuitque,* Quid Acu-
tus, eiusq;
signum.
 & cum

Et cum eâ vocem. Eius notam in scripto faciunt lineolam dextro-
uorsum ascendentein sic *λ*. fastigij scilicet dimidiatam partem

*Quid Gra-
uis.*

GRAVIS, qui syllabam dimittit, *Et cum eâ vocem.* Eius aduersa
nota index, lineola descendens sic *ν*. pars altera fastigij incli-

*Quid Fle-
xus?*

nantis. FLEXVS, qui vnâ eandemque syllabam longiore voci-
ductu *Et tollit Et demittit.* à quo flexu ei nomen. Eius nota iuxta
ex utrâque composita sic, *Λ*. id est, fastigium plenum. Hoc Vi-
ctorinus rectè vocat V transuersum. *Circumflexus*, inquit, *trans-*

*Flexi duplex
signum.*

uersâ V litterâ notatur hoc modo Λ. Interrumpens hîc ego, Ad Cæ-
lium illud M. Antoni: dicam aliquid, imò contradicam
V transuerso notari eum vis? negat Marcianus, qui *Flexi signum*
facit *Sigma super ipsas litteras deuexum*. Hæc autem nota ab illâ
quantum distat? Muretus, Benè, inquit, inijs. laudo. Sed ego
quoque me non malè expediam, si scias quæ Sigma Græca
nica (eam intellegit) olim forma. Non enim illa, quæ nunc
flexilis & serpentina *Σ*, cui nihil cum Accentuali vîquam no-
tulâ commercij: sed lunaris aut semi-orbiculata quædam, si-
cut *C*: prorsus vt *Ce* Latinum. Maurus ab hac causâ, inter litteras
quæ figurâ ambiguâ fallere possint, hanc ponit.

A Latina, sæpè vt Alpha, sæpè Lambda scribitur:

I similiter Iota credi, Et C potest quod Sigma sit.

A, inquit, sæpè vt Lambda scribitur (vidi in lapidibus inferioris
æui, *Λ*, sine transuersâ lineolâ) & I nostrum vt Iota, & C vt
Sigma. Ita enim reuerà scripsêre. sed, ne te fallam, non nîmi-
olim. medio dumtaxat illo Principum æuo. Antè enim flexilis
illa obtinuit, & post iterum euicit. adeò vt illius meæ non vitæ
non memoria sit, nisi in monumentis lapidum, & pauculis fide-
fortè libris scriptis. Sed in lapidibus crebra. vt, *ΔΙΟΚΡΟΤΟΣ*
& *ΚΑΡΑΝΙΑΟΣ*. & in hac vrbe marmoribus tricenis. Quia
igitur inter notandum Tenorem illum flexum, lapsu quodam
properantis manus factum, vt non angulare illud signum ex-
primeretur, sed curua linea vno ductu, sic * *ο*: Marcianus re-
ceptam vulgò notam ingerens, scitè appellat, *Sigma deuexum*
quia reuerà tale est: sicut contrâ Sigma Supinum in brevis fil-
labæ notâ, sic *υ*. Iterum ego, Capió, inquam, & approbo: &
iamantè non ignotum mihi istud Sigma. quò etiam Martia-
lem referebam, *Aspice lunatâ scriptum testudine* sigma*. Sed quò
addi

*Sigma Lu-
nare quando
in vsu?*

*Cur eo Fle-
xus Tenor
notatus?*

* Quæ nota
etiam in Pri-
sciani veta-
stis libris, De
Accentu.

* Quod de
Menfario ca-
piculum: vt
alibi illustra-
mus.

addis de medio Principum æuo: caues mihi, an cauillaris? Hoc potius, si dextrè poëtas aliquot veteres accipio: qui auctores mihi iam olim de Lunari istâ formâ. Agathon Tragicus, vbi Thefei nomen argutè per imagines scribit, Sigma cum arcu Scythico comparuit & per eum expreflit:

* Συδικὸν τε τόξον τὸ ἐν ᾧ σέσσημπερές.

En, Tertia, inquit, littera ΘΗCEYC refert Scythicum arcum. Arcus autem facies nōne semi-lunaris? Sed & Euripides in eadem re & nomine ludens, tertium elementum comparat cum crinium cicinno:

* Τρίτον δὲ βοσρυχὸς τις ὡς εἰλυμένος.

At cicinni illi calamistrati siue anuli, mihi quoque videntur facere orbiculatæ huic formæ. Muretus contracto vultu: Quæ adducis, inquit, specie firma sunt, re vanescunt. Cum arcu Agathon comparat. Ita: sed adde, Scythico. cuius ego formam paullò aliam à communi hac fuisse adfero, flexu illo triplici, qui etiam nunc apud Turcas, Scytharum scilicet stirpem. Cum cicinno Euripides. sed nōne flexili & tortuoso? adiunxit enim εἰλυμένον. Non autem vna in vno crinium anulo hæc contortio, sed per gradus multiplex, vt in capreolis vitium, & vt olim in capillis pendulis comatorum. Ad hanc aspectum. Nec plura ego: ne excidam à lineâ, quam insisto.

De priscâ formâ Sigma indagatum curiosius.

* Scythico sed arcu tertium compar fuit.

* At tertium, cicinnus vt contortilis.

Versus intellectus eorum versusum.

CAPVT XIX.

Accentus olim nec Latinis nec Græcis scriptitatos esse. lapides, qui adserere videbantur, reiecti aut aliorum tracti.

TENOR igitur Mensura vocum est, & quidem in specie illâ trinâ quam dixi. Definitioni dehinc addidi, in scriptu siue effatu. De effatu quis ambigit? non nemo de scriptu fortasse: quia notulæ istæ Accentuum in priscis libris raræ, imò in magis priscis nullæ. Nec id in Latinis solum, sed & Græcis. Miraris? vagare mihi per hanc urbem, & quære multa monumenta in utrâque linguâ, multi lapides: lapis ego, si Accentuuncularum istarum vsquam apex. Sed nec ψιλὴ villa aut δασεῖα in Græcis, quas nobis flagitium grande sit omisissæ. Quòd si Grammaticos tamen audis: scribes, & plerasque omnes

An scripti olim Accentus?

Non videri.

Vt nec aspi-randi nota in Græcis.

nes

nes voces digeres sub Tenorum suis signis. idque discretionem
& intelligentiæ, vt aiunt, causâ. Mihi priscus mos placeat
quem in his talibus teneam (audeo dicere) etiam contra rationem.
Hic ego non sine risu, Soluisti Murete frenum huius
linguæ: quis reponet? Vide ne fiam tibi Arabius tibicen: quo
quo Græci,

* Nummo
canit. sed
quatuor nū-
mis silet.

Annon Ac-
centus in la-
pidibus.

* Δεσχυῖς μὲν ἄλλῃ, τετράρην δὲ πᾶνεται.

Nam denuò interpello. Negas Accentuunculas scribi aut sculpi
solere: & (da veniam) erras, nec erras. Quòd rarò, verum
est: quòd numquam, vanum. An lolio fortasse ego victito, &
fefellerunt me oculi in lapidum aspectu? non opinor. Hac vi-
be, in domo Delphiniorum:

P. STÁTIÓ. P. L. BIONI

PAEDÁG. DOMINI. DEC. VI. A. XCVI.

P. STATIVS. P. L. ANTEROS POSVIT.

Ibidem:

LIBERTA. ET. CONIVX. PETRONIA.

CÁRA. PATRÓNÓ

THALLVSA. HÓC. TVMVLO. CON-

DITA. LVCELCARET.

Et in eodem lapide, ne sim longior, VICENÓS. &, LV-
CIBVS. &, FÁTA. &, OCVLÓS. &, TERRÁS. Se-
& extra urbem, in agro:

L. PEDÁNIÓ. L. LIB.

EUPHRONI

L. PEDÁNIVS. CLÉMENS.

Item viâ Prænestinâ:

DIS. MÁNIBVS

M. IVNIO. CÝRIONE

EQ. R. LEG. XXII. VIC

Atque hæc clarè vidi, legi Murete, & cum fide exscripsi. Mo-
uit ille caput. &, Fidem ego tibi quidem adolescens habeo, in-
quit; ne tu illis. Imperita aliqua sculptoris manus hæc scrip-
psit. imperita, sed & malè curiosa. Dic enim seriò, quomodo
PEDÁNIÓ, & STÁTIÓ, & PATRÓNÓ, rectè insculptâ lineâ
duplici, si hi Accentus? Nam singulos eos singulis vocibus
esse, lex & mos iubet, nec tu infiteris. Quomodo item i-

Videri res per
imperiā
esse.

CÝRIO

CŪRIONE primam sedem Tenor teneat? Denique quid ita in omnibus vocibus Acutus tantum, sine notâ vllâ Flexi? Hæc inepta, stulta, & à bardis. nisi si id tamen voluerunt, Apices cos esse, quîs insignirent (ita suspicor) vocales longas. de quo ritu mihi prædictum. Etiam me moraris? Nihil ego, inquam. te sequor, illos sperno.

*Aut potius
loco Apicum.*

CAPVT XX.

De legibus Tenorum, quas Grammatici tulerunt. Eas promptas facilesque esse. à Fabio benè & strictè comprehensas. Plura in Notis, quæ ad rei totius lucem.

PERGO igitur, ait, ad Definitionis meæ reliqua. Addidi enim & hanc clausulam, *ex Lege siue more*. Nec disiunxi frustra. quia non legem solam in Accentibus agnosco, sed video aliquid olim fuisse etiam ex More: & recepta quædam, quæ non præcepta. Sed de Lege, Lipsi, nōne obuium promptumque est? exstant Grammaticorum libri, nec nos hodie aberramus valdè. Transibo, si vis, aut transilibo potius: & flectam ad orbitam de More, quæ minùs trita. Vultu & manu renui ego, Minimè magister, inquam. In ceteris cūm per te mihi luceat & liqueat, in caligine hîc relinques? Non grandi aut spissâ eâ forsitan: sed in quâ tamen non compareant pura illa (cum Lucretio dicam) diei tela. Tu infer. & quæ veteres confusè aut parùm munditer exsecuti, resequare distinctè & tuo more. Ille grauatus, Breuiter igitur, inquit: & magis quia vis, quàm quia opus. **LEGEM** in Tenoribus appello, *veterum litteratorum de ijs disponendis scitum ac iussum*. Scripsere enim, & habuerunt hanc inter Grammaticæ primas partes. Sed ea lex nec operosa, nec longa. Simplex tota, vniformis, & ab vnâ ferè Temporum normâ. Nam pro sillabarum dimenso plerumque Acuimus, Grauamus, Flectimus: aliter quàm Græci, qui variant variâ & vanâ sæpè (ita iudico) causâ. Hæc re Fabius nostros Accentus parùm elegantes aut politos putat, & abijcit eos atque vilitat (Turpilij verbo vtar) præ Græcis. Sed Accentus quoque, inquit, cūm rigore quodam tum similitudine ipsâ minùs suauēs habemus: quia vltima sillaba nec acuta vñquam

Duo in Tenoribus spectanda: Lex, & Mos.

Quid Lex.

Ea facilis.

Et ferè ex mensurâ sillaba.

Ideo simplices Latinorum Tenores.

H

excita-

excitatur, nec flexa circumducitur, sed in grauem aut duas graues cadit (lege *cadis* . non enim vltima sillaba in duas potest cadere *semper* . Et de præstantiâ, alius viderit, aut ego aliàs : de paritate quidem adeò verum est, vt paucis omnino verbis vniuersarum Accentuum legem complexus sit idem ille doctor. Quem Lipsius audi, & me mitte.

Quos Fabius breuiter & scite comprehendis.

* Id est: siue tri-sillabæ tantum, siue plurisillabæ, & casales præcedant.

- I. *In omni voce, Acuta intra numerum trium sillabarum continetur : * siue ea sint in verbo solæ, siue vltima.*
- II. *Et in his aut proxima extrema, aut ab eâ tertia.*
- III. *Trium porrò, de quibus loquor, media Longa aut Acuta aut Flexa erit.*
- IIII. *Eodem loco Breuis, vtique Grauem habebit sonum : ideoque posita ante se, id est, ab vltimâ tertiâ Acuet.*
- V. *Est autem in omni voce Acuta, sed numquam plus vnâ,*
- VI. *Nec vltima vnumquam :*
- VII. *Idcirco in dissyllabis, prior.*
- VIII. *Præterea numquam in eâdem Flexa & Acuta : quia eadem Flexa ex Acutâ.*
- IX. *Itaque neutra claudet vocem Latinam.*
- X. *Ea verò quæ sunt sillabæ vnius, erunt Acuta aut Flexa, ne sit alia qua vox sine Acutâ.*

Hæc dena (ita lucis causâ distinxî) legis eius capita Lipsi : quæ breuia, sed plena, &, nisi fallor, etiam plana. Abnuis ? frustra non hæreo diutius in sordidanti hoc puluere, nec tenuerit sufflumen vllum precum.

N O T Æ.

Explicatio Fabianarum legum.

Capitis primi. Accentus nō ante tertiam sillabam.

Cur id?

FABIANA, quæ posui, leuiter erudito non obscura sunt ; & perinde viam illam poterit sine munitione aliâ, sine duce. Tironi tamen me dabo, & sternam ac planiorem eandem reddam, velut aggrega aliquot verborum.

Primum eius caput *Ἰσχυρῶς* adfirmatum voluit, in omni voce Tenorem (primum dico, id est, Acutum siue Flexum ; nam & hunc Fabius comprehendit sub Acuto, quia ex illo ; Grauis autem siue secundarius insuper habetur, nec notatur) intra tres sillabas esse. idque verum. & si vox quadri- aut plurisillaba, tamen Tenor numquam ante tertiam. Lex Grammatica ita voluit : sed & Natura. quia vocem pri-

prius Attollas, id est, Acuas siue Flectas, ægrè per tot sequentium sillabarum gradus eam demittas. Re videbis: experire. nec magni Scaligeri argutias hîc audio, quæ veræ non veræ.

Secundum generale quoque est: omnem Tenorem aut in pænultimâ aut ante eam sillabâ esse. Non enim supra tertiam, vt iam dictum: non item in vltimâ, vt firmabo capite nono.

Tertium & Quartum, magis distinctè Tenores in Tri- aut Plurissillabis assignat. Ipse edisserit obscurius: cape à me explicatè & velut in tabellâ.

In plurissillabis pænultima aut	LONGA est: idque vel	POSITIONE, & tunc Acuitur: vt, <i>Ca-millus, Prae-gis-tus.</i>
		NATURA, & tunc Flectitur: vt, <i>Româ-nus, Perdocê-re.</i>
		EXCIPIO, si vltima quoque longa. tunc enim Acuitur; vt, <i>Româno, Perdocébant, Athéna, Mycéna.</i>
	BREVIS	& tunc quæ ante eam, id est, tertia à fine Acuitur: vt, <i>Ce'lius, Pópulus, Horténsius.</i>

In quâ sillabâ Tenores.

In plurissillabis, quæ sedes cuiq. Tenori.

Hæc regula est. nec apud Latinos (ex Grammaticorum quidem scito. nam de More fortassis olim aliter, vt videbo) vîquam fallax. Græci euariant, qui primam sæpè Acuiunt, mediâ longâ. Quò respexit Fabius alibi: *Latini*, inquit, *Olym-pi & Tyrânno Acutam mediam sillabam dederunt: quia vnâ aut duabus longis sequentibus, primam Acui noster sermo non patitur.*

Diffensus Latinorum à Græcis.

Capita v. vi. vii. ad Bisillabas voces diriguntur. eorumque hæc mens. Cùm in omni voce Acutus vnus Tenor sit (Flexum etiam, vt antè, comprehendere) nec is in vltimâ vîquam: clarum quoties duæ tantum sillabæ, sedere eum in priore. Sed hoc quoque distinctiùs dicendum erat, quando propriè Acutus, quando Flexus. Tu sic habe.

In Bisillabis quæ sedes Tenori.

IN BISILLABIS prior aut	BREVIS est, & semper Acuitur: vt <i>Déus, Sálus, Dócent.</i>	POSITIONE, & semper Acuitur: vt <i>Dóctus, Fáctum, Sálus.</i>
		NATURA, & semper Flectitur: vt <i>Rôma, Mèta, Lège.</i>
		EXCIPIO, si vltima quoque longa. tunc enim Acutum adsumit: vt <i>Rôma, Méta, Léges.</i>

Priora clara. hoc postremum cur ita sit, fortasse ambigas. cur, inquam, Accentus mutetur longâ vltimâ, & abeat è Flexo in Acutum? Causa est. quia Flexi, longior quædam, inter efferendum productio: quam haud faciliè adhibeas vbi excipit etiam longa, sine istius nimîâ correptione. Eadem causa suprà in Trisillabis valuit: vbi & hoc exceptum.

Cur in vnâ voce variatâ, Accentus variat?

*Error hodie
in Flexo
enunciando.*

*Qua veri-
tas.*

*Tenor Lati-
nis non in ul-
timâ.*

*Mei aliqua
excusatio.*

*Grauem non
posse esse in
ultimâ.*

*Idq; per na-
turam vocis.*

* Sed nec
Græcos, qui
in fine Gra-
uant: frustra.
An discrimi-
nanda Ad-
uerbia Ac-
centu?
Non quidem
ex Fabij
mente.

* Quod idē
Prisciano ob-
seruatum in
utrâque hac
voce: item in
Quando.

Nam vt id quoque moneam, Flexum hodie quis aptè enuncia: ? pler-
que omnes ita, vt nihil abeat ab Acuto. Peccant. Discreti enim: & isto
celeri quâdam sublatione vocis efferendus est, sine institutione vllâ au-
toritâ, *Tullius, Dicere, Hômo*. ille magis tractim & cum vocis longior
ductu: sic vt sillaba cui incumbit velut geminanda sit, elatâ eâdem po-
riter & depressâ, *Mêeta, Hôdra, Præôorem*. idque etiam in Grecis, per
indolem & naturâ ipsam Toni, verissimum scito. Caput viii. clarum.

Caput ix. firmat, Latinis Tenorem primarium in vltimâ dici au-
scribi numquam. Hoc Capella, hoc Priscianus, hoc omnes tradiderunt
vt iure mirer tam vulgò peccare nos hoc peccatum. Ego ipse nōne
eâ nauetiam hîc, vbi damno. sed non tam inscitia quam comitate, quod
do me & permitto siue Typographis siue vulgo. *Merâ, Cassâ*, & similiter
scribo discriminandi causâ, quoniam Apicum vsus diu periit, nec restat
tuo primus ego. At pro Apice mihi (semel testor) nota illa flexa serui-
Turpius illud, cūm Grauem Accentum vltimæ dant, idque in Aduer-
bijs ferè & Interiectionibus, vt separent (aiunt) secernantque à Nominibus
eiusdem casus. Peccant dupliciter. primò in Grammaticas leges: deinde
inde in Vocis. De illis, clarum. de istâ, nego per naturam in vllâ sillaba
primariò efferri posse Grauem, ergo nec scribi. Accessorius ille Tenor
est, nec vsquam illi sedes, nisi in omni sillabâ in quâ non sedes duobus
primis. Vbicumque, inquam, Acutus aut Flexus non est, illic necessa-
riò & ex annexu Grauis. Vox enim elata, deponitur per gradus & incli-
nat. Itaque benè & ex Naturæ fonte Fabius tulit, pertulit: *In omni vo-
ce Acutam esse, nec plus vnâ*. Si in omni voce Acuta simplex, aut
composita, (hanc enim quoque Fabius intellegit:) quis locus Graui
quî eminebit? Depressionem notabis, omisso acumine? non debet
quia nobilissimè illud vocaliusque. Quid, quòd ipsi in se testes? Cūm eni-
Serò, Palâm, Dôctè efferunt, sic efferunt quasi esset *Serò, Palâm, Dôctè*
nōne Acuis igitur: clarè. idque necessarium, vt effatu discernas à *Serò*,
Dôctè. Si enim demissè & depressè effaris (quod propriū sanè Graui
est, nec ab eo auellitur:) Acuis ecce primam vel inuitus. Consule vo-
cem.

* non Scaligerum meum: cuius cortina haud hîc mihi (Ennianum
verbo vtar) verat. Sed quid? inquires. Discrimen signari tibi nullum
placet? Non meâ quidem causâ. si ob rudes & tirones lectores, signum
to: sed ad legem. Acue in ijs talibus vltimam, aut flecte. Dictato-
Fabij edictum in totâ hac re mihi audi: *Ceterum iam scio quosdam en-
ditos, nonnullos etiam Grammaticos, sic docere ac loqui, vt propter quædam
vorum discrimina verbum interim Acuto sono finiant, vt in illis — quod
circum litora, circum Piscosos scopulos. ne si Grauem posuerint secu-
dam, Circus dici videatur, non Circuitus. Item* Quântum, Quale, in
interrogantes, Graui: comparantes Acuto tenore concludunt. Quod tamē
in Aduerbijs ferè solis ac pronominiibus vindicant: in ceteris veterem
gem sequuntur. Mihi videtur conditionem mutare, quòd his locis verbum
coniungimus. A quo nihil abit Grammaticorum alia manus, qui Er-*

vbi caussam significat, flectunt: *Ponē*, cū ordinem, Acuiunt: pariterque in alijs, nec * Grauem agnoscunt vsquam. Illud tamen miror, quid ita ^{Priscianum} ^{exipio, qui videtur pro illo.} Fabius & Romani omnes Acui vocem fugerint in fine? Græci aliter, vt ^{An Accen-} ^{tus in fine es-} ^{se non possit?} ^{Ex ratione} ^{potest.} scimus: sed & Natura. Quæ enim res aut ratio me vetat vocem tollere finientem, æquē atque ordientem? Nulla. nec illi ipsi Prætores nostri caussam interdicti sui aliam attulerint, præter Noluisse.

Caput decimum ad Vnissillabas, vt vides, spectat: & confusè adfirmat Acui eas omnes, aut Flecti. Tu cape distinctius.

VNISILLABA aut	{	BREVIS est, & Acuitur: vt <i>Fár, Sál.</i>	{	POSITIONE, & Acuitur: vt	Tabella in Vnissillabariū Tenoribus.
		LONGA		<i>Píx, Núx Fáy.</i>	
		NATURA, & Flectitur: vt <i>Mós,</i> <i>Rê, Lúx.</i>			

Magnus Scaliger non híc à nobis: qui Breues aut Positione lógas om- ^{Dissensus no-} ^{ster a Scali-} ^{gero.} ^{Causa.} nes Grauat. Haud probó: & arma in Cēsarem hunc sumam cum Gram- matico Senatu. Placet illud Fabianum, *Vocem nullam sine Acutā esse.* quia effatus non est sine effatu: nec hic sine connisu quodam & elatione: ergo nec sine Acuminis sensu aut signo. Capella fidenter & verè: *Omnis vox aut Acutum aut Circumflexum sonum habeat necesse est, etiamsi Monosyllaba sit. Monosyllaba enim graui carent.*

CAPVT XXI.

Moris in Tenoribus prisci indagatio haud obuia. Legibus & Acumine suo prefferunt Grammatici. Quædam tamen ex ijsipsis eruta contra leges. Non videri Tenores semper accommodatos ad sillabæ modum.

AD MOREM veni: in quo iure mihi mora. Simulque si- luit. Quod cū fieret longius, appellauī: Quid iam? in- quiens. itāne abiungis? atqui nondum, ô Murete in candidâ illâ calce. Ille seuerior, Properas adolescens, inquit, aut potiūs festinas. Salebram hanc, quæ ante pedes, non vides? haud fa- cilè transeo eam sermonis volante isto curru. Sine vt inter- quiescam paullum, & velut strigem. Iterumque aliquo silen- tio, sic cœpit. Ad eum locum ventum Lipsi, qui origo huic sermoni. Nam de veteri Tonorum more cū in Conuiuio tuo disputasses: inieci ego. & tu rem voluisti vberius veriusq; à me explicari. Vtinam istud possem! nam de illo non labo- ro. Sed reuera res eiusmodi est, in quâ video aliquid non vi- ^{Quis mos} ^{olim in Teno-} ^{ribus, obscu-} ^{rum.}

deo, capio non capio : & quam suspicionum potiùs pede trepidando tango, quàm scientiæ vestigio firmiter premo. **MORE** hîc intellego, qui aduersus Legi, quiq̃ue abit à Grammaticorum *se* to ac iussu. Quem Pronunciationi etiam nunc interuenire, nihil nego: sed magis, ni fallor, olim, priusquam euasisse Grammaticæ argutiæ & oppressissent. Nam vt prisci illi verè liberi Romani adstricti seruiliter ad tenues, quas cixi, Leges fuerint: haud temerè crediderim. & regnum suum, vt verbis, sic in eorum sono habuisse censeam Dominum illum Vsum. Quod Græci, quod Barbari hodie in suâ quisque lingua: cur non Romani habuerint, & quædam pronunciari ad morem potiùs, quàm ad normam? ad suauitatem, quàm ad quantitatem? Ego censeam: etsi adfirmare aut illustrare mihi fas paucis argumentis vel exemplis. Quomodo enim penetrem aut oculos adijciam in tenebras illius æui? omnino silentio & obliuione obruta: & scimus in eâ parte hæstenu quatenus scire nos Grammatici voluerunt. Quibus tam ipsi expressa quædam contra suam Legem. præsertim earum quæ Tenores ligat ad modulum sillabæ & mensuram. Nam *Mercûri, Virgili, Sulpici* in vocandi casibus ne illi quidem arrogant. Et Priscianus *Mulieris* etiam recipit: Festus *Ad* cum Aduerbium est. magisq̃ue miranda illa Priscianus: *Exinde, Dèinde, Súbinde, Próinde, Périnde, Siquando, Néquando, Aliquando*. Quo exemplo nec Enimvero ego spreuerim nec quod apud * Agellium Annianus adfirmat, *Exaduersus* Compositionem enim elucere ipso Tenoris positu voluerunt eâque re Priscianus & hæc suadet, *Tepefacis, Suauérubens, Cabissterre, Virillustis, Præfectús fabrum, Juriscónsultus, Intereacici*; & Charisius, *Sacránia*. Ab hac mente idem ille Annianus *Affatim* primâ acutâ non mediâ pronunciabat: *causâ* que huic Accentui dicebat (verba Agellij sunt) quòd, *Affatim, n* essent due partes orationis, sed vtraque pars in vnâ vocem coalescet. Bis miror. primùm quid ita periculum hîc, ne due voces censeantur? cum ne possint quidem. nisi rescribas tam (quod censeo) *Adfatim*. Deinde cur vulgò mediâ longâ exlerint? cum constet certè de breui sillabæ eius modo. Sed & hoc & pluribus nihil ambigo quin lex neglecta: quæ singuli

Et presserunt eū, datâ operâ, Grammatici.

Nulla gens in Tenore astricta perpetim ad quantitatem.

Nec Romani quidem; vt exempla hac pauca eminent.

* Lib. vii. cap. vii.

Agellio illa enim lumen.

tim Lipsi, quis indaget? nisi cui faciem aliquam ab æthere accenderit ille Phœbus.

CAPVT XXII.

*Laquei & velut enigmata hac in re soluta. Agellij multis locis immis-
sa lux. item Festi, Victorini, ante omnes Ciceronis. ostensum de lit-
teeris eos loqui, non de sillabis. Tu lege, vide, disce aut doce.*

NAM illa quæ tu in Conuiuio collegisti, mira & noua fateor: sed vide ne aspectu primo talia, explorata non faciant tuæ menti. * Agellius, inquis, verbum *Quiescit, perpe-* *Soluti nodi
in Agellio.*
tuâ llinguæ Latinæ consuetudine ẽ litterâ correptâ pronunciatum ad- * Lib. vi.
cap. xv.
firmat. *Quiesco* igitur dixere. Lipsi erras. Non enim hæc doctissimi viri mens, & de litterâ se loqui non de sillabâ clamat: clarè. ergo nec de Tenore, cui in sillabâ sedes. Quid igitur vult? an potest E littera illâ corripì, quam duæ consonantes excipiunt? Non potest, fateor. sed ad meam illam Elementarem pronunciationem referenda istæ. quâ docui E litteræ duplicem sonum; Tenuem siue Breuem, Pinguem siue Longum. Hoc igitur tunc quæsitum *Quiesco* E subtili & breui, vt *Heree* diceretur: an longâ, vt *Nescio, Calesco*. Et abit illuc, vt in vsu pronunciatum breuiter velit, etsi longiter *Quies*. Simile in *Actito*. Disputat enim idem ille * scriptor, *Actito & Actita-* *Actito, A
longâ.
* Libro ix.
cap. vi.*
ui, primâ litterâ correptâ an productâ dicenda sint? Ipse productâ censet: etsi quidam non indocti viri, correptâ. Tu inferis, *Acti-*
to igitur quosdam pronunciasse. Hem! os Lipsianum retine & ffrontem. Impudenter hoc dicitur, sed & imprudenter. Nam hæc controuersia. *Ago* litterâ A breui pronunciat: an igitur & deriuatum ab eo *Actito*? alij negant, alij dicunt. Sed ipse efferri productè probat, id est, *Aâctito*, A latiore & quasi geminatâ. Nos enim hodie pessimè, qui *Ago* pinguem sonum damus, isti ipsi *Actito* exiliorem. Atque hanc certam eius mentem esse ex eo certum, quod idem etiam ambigit in *Actitauit*. Sodes, si Accentuum res est, an in quartâ à fine controuerti potest de Tenore? Hacipsâ luce perfundo, quæ ibidem obscurissimè scripta: *Ab eo quod est Edo & Vngo, in quibus*
verbis primalittera breuiter dicitur, Esito & Vnctito quæ sunt eo-

rum Frequentatiua, primâ litterâ longâ promi. & contrâ, *Dictito*, ab eo quod est dico, correptè. Hæc enim nulla vi mentis peruades, si pedem firmas in Accentu. At non ita est. Hoc agit &

Vngo, quomodo V breui?

* Obserua. Nam nos hodie malè & crassè.

* Libro IV. cap. XVI. II. Obijcio, O breui.

Festo lux aliquoties, in reperi.

Et Victorino.

Ciceronis diu obscurū (nobis quidem) locum illustramus.

ait: *Edo*, E breui dici; *Vngo*, V breui: contrâ tamen *Esito* eadem latâ & longâ, itemque *Vnctito*. Dicebant igitur, *Edo*, * *Vngo* (profer quasi Y Græcorum, vt suprà doctum) & *Eésito*, *Vnctito* siue *Ounctito*. Contrâ autem in *Dico* & *Dictito*. Nam illud vulgò erat *Déico*, I longâ: istud *Dictito* eâ breui. Huc etiam illa * Agelliana refero: qui *Obiiciebat* quosdam O litterâ productâ dicere miratur; item *Subijces*, *Coniicere*, *Iniice*, primis litteris longis. Quid? an non longæ eæ sint? clarum quidem. sed de sono agitur, non de Tono. vultque ipse non *Oobiices*, *Soubijces*, *Einiice*, *Cooniice* latè efferri, sed *Obijces*, *Subiices*, *Iniices*, tenuiter. Hæc tibi mira? magis ista quæ tunc certè non vidisti. Ecce in Festo scriptum: *Muscerdas* primâ syllabâ productâ, *stercus murum* appellari. Potèstne in Accentu corripri? Idem: *Lustra* significant lacunas lutosas. at cùm eiusdem vocabuli prima syllabâ producitur, significat nunc tempus quinquennale, nunc populi lustrationem. Vides, etsi syllabam nominet, de litterâ tantùm agi: quam ex more produci vult in alterâ significatione, *Loustra*: in alterâ tenuari, *Lustra*. idemque in *Muscerda*. Simile illud eiusdem: *Parret*, quod est in formulis, debuit & productâ priore syllabâ pronunciari, & non gemino RR scribi. Iam Victorinus Afer, ex tuâ quidem mente, quàm superuacue moneat, imò stultè, *Hesternum*, productè dici debere? *Hesternum*, inquit, productè dici debet. Nemo enim qui Latine loqui sciat, qui aliter quàm productâ syllabâ *Hesternum* dixerit. Di tibi benè faciant prouide senex. In Accentu quis aliter potuit? Sed de priore syllabâ siue litterâ potius tu quoque intellegis, & mones longam esse, ne quis breuem ducat & dicat, quia ab *Herè*. Quæ res simillima illi in verbo *Quiesco*. Hæc seria, mi adolefcens, nec nugarum aliquis ludus. videtq. vel ex Agellio quàm intentè de ijs egerint, imò litigauerint, viri magni. Sed venio iam ad scopulum, in quo mens omnis & ratio tibi fracta. Ciceronis locus est, qui miras facit tibi turbas: *Quid verò hoc elegantius, quod non fit naturâ, sed quodam instituto? Inclutus dicimus, breui primâ litterâ, Insanus productâ: Inhumanus breui, Infelix*

*felix longâ. Et ne multis, in quibus verbis ea primæ sunt litteræ quæ in Sapiente atque Felice, productè dicuntur: in ceteris omnibus, breuiter. itemque composuit, concrepuit, consuevit, confecit. Consule veritatem: reprehendet. refer ad aures: probabunt. Et verba hæc sunt, inquis, an portenta? Mihi quidem verba, Lipsi, & proba, sana; si examinata à sanâ mente. Inclytus & Inhumanus ait primis breuibus dici. An sillabis: imò expressim addidit, litteris. Ergo de I breui aut longâ hæc dissertio est: sicut de O eadem in Composuit, Confecit, & quæ reddit. Igitur illud In, semper breue: nisi cum ab F aut S excipitur, si vera norma illa Ciceronis. Ita dixeris, Incipit, Indoctus, Ingenuus, breuiter & hodierno more. contrà, latè Einfelix, Einsuavis, Einficetus, & talia, ad priscum ritum non ad nostrum. Pariter Composuit, Concrepuit, Coniecit, exiliter effabere: pinguius, Coonfecit, Coonsuevit, Coonsiteor, Coonsigno. Hæc Tullij germana mens, quam adfirmat mihi satis * Agellius: Sed neque OB, inquit, neque SVB præpositio producendi habent naturam: neque item CON, nisi cùm eam litteræ sequuntur quæ in verbis CONSTITVIT & CONFECIT secundum eam primæ sunt: vel cùm eliditur ex eâ N littera, sicut Sallustius inquit Fenoribus * coöpertus. Idemque clariùs lib. II. vbi caput totum dat hisce Tullianis illustrandis: additque mirari se cur Pro præpositio neglexerit hanc regulam, quæ non semper ante F producta. vt in Proficisci, Profanum, Profugere, Profestum, Profundum. Ea enim correptè dicimus, inquit, Proferre autem, & Profigare, & Proficere, productè. Quæ ex monitis meis non vltra obscura. Sunt enim, Proöfferre, Proöfigare, &c. Hæc an nota aut notata adhuc vulgo, nescio: scio vera, & momentum grande habere ad germanum litterarum effatum. Tu Lipsi quid? Quid, inquam, nisi stupeo, quia non stupeo? Antea in Cimmericorum tenebris mihi videbar, nunc per te subito in liquidâ & clarâ ætheris illius luce. Nec occurrit quod obijciam, nec velim.*

Inclytus, qui primâ breui

Et talia.

Con, præpositio, quomodo effertur, 'd' ga senbreui?
* Lib. IIII. cap. XVII.

* Dicebant igitur, Coöpertus, sicut & Coömixtus, Coöligatus, Coögo: quæ Agellius præterea notat lib. III. cap. XVII.

Item, Pro.

CAPVT XXIII.

Clausula operis. Votum, vt hæc locum vulgò reperiant: quod facile, si velint pueritiæ doctores. Res ipsa honesta, & utilis in primis ad originationes vocum.

Pedagogi & doctores hæc docere debeant.

Ad dignitatem linguæ.

Ad ætyma variarum vocum.

GAUDEO, inquit, quòd in his mihi fides: & magis, quòd Sermonis mei finis. Metam enim iam attigi. nec habeo quod addam, præter monita aut veriùs vota. Vtinam mens ijs qui instituunt iuuentutem, hæc docendi! non deesset ratio aut via inducendi. In Græcâ Pronunciatione id iam peruicimus: quidni Latina hæc & cottidiana pariter nitescat? Cuius vsus cùm latissimus sit, imò cùm necessarius ad commercia coniunctionemque tot gentium: de germanâ facie eius tam exigua nobis curam esse, iure mirer. In Pronunciatione autem illa est. atque vt hominis formæ vestis cultusque non parum addit aut detrahit: sic Sermoni effatus. Communio quidem sermonum linguarumque, & deriuatio vocum, non aliâ re magis illucescet, quàm germano isto Enunciatu. ad quem legitimam viam tibi præiui, Lipsi: tu eam meliorem mollioremque calcando reddes. Dura enim pleraque initia videntur, confiteor: vsus est qui mollit & consuetudo. At tu salue. te enim prandium, me patronus iam vocat. Et sub hæc ipsa verba aderat puer, qui innuebat.



INDEX CAPITVM.

CAPVT I.

In Italiam meus aduentus. Mureti ibi reperti laus. ad sermonem hunc præparatio: & quiddam de iuuenilibus meis scriptis.

CAP. II. Ad sermonem hunc ingressio. Prædictum de dignitate & de fructu cognite Veræ Pronunciationis. Suetonius correctus.

CAP. III. Quæ causa corruptæ pronunciationis: Ea altius petita, à propagatione sermonis: quæ per Romanum totum orbem. Afros, Gallos, Hispanos, Britannos Latine vulgò sciuisse. Hanc causam corrupti soni germani: Item Barbarorum incursum. Italica lingua quando cœperit? Penula Grammatica vestis. Capellæ, Augustino, Tacito lux.

CAP. IIII. Pronunciatio generatim definita: diuisa: quis dicendorum hîc ordo.

CAP. V. Vocales omnes Latinis Plurisonæ. Eadem modulo & quantitate accipites: ideoque olim Pronunciatu & scriptu distinctæ. Geminatio earum qualis? Apex, qualis?

CAP. VI. Vocales primos affectus naturæ exprimere: & plurimum, mæstos. Artemidorus illustratus. A, literæ geminus sonus, Crassus & Exilis. In Crasso, duplex ea scripta: sæpè cum flatu interposito.

CAP. VII. Quadruplicem videri sonum in E litterâ fuisse. & ij ordine expositi. Hanc ipsam pro I sæpè scriptam. Iulij Cæsaris Scaligeri laudatio.

CAP. VIII. Litteræ I triplex sonus. Quæ in Plauto sit longa littera? EI diphthongus passim pro I longâ: de quæ eâ scripturâ priscorum variantes sententiæ.

CAP. IX. O duplex esse, quod ad tempus & ad sonum. Aufonij versus aliter lectus. Tranquillus illustratus.

CAP. X. De litterâ V. quadruplicem eius sonum esse: sed primum & extremum, duplicem. Plauto, Aufonio lux

immissa. Quæ Feralis littera, & quare? Maurus & Charisius correcti.

CAP. XI. Ad Diphthongos ventum: Latinum ijs nomen fidenter positum. Quot eæ, & in quibus enunciandis peccemus? AE quomodo efferenda? quomodo OE? Dio Cassius emendatus. De EI obiter dictum: & quis ei sonus?

CAP. XII. Ad Consonantes ventum. de vicinis inter se, quoque Capite dictum. isto, de B. V. P. F. Quid in Beefferendâ, & à quibus gentibus peccetur? an defendi possint? Dubitatum de sono V Digammæ, & pluscula ad eas argutias. De F germano sono. A Scaligero abimus & Fabio. Aufonio lucem damus, & medicinam Charisio.

CAP. XIII. De C. K. Q. G. vicinis litteris. Refutati qui primæ sonum duplicem adfingunt. In K litterâ Aufonius illustratus. idem iterum in Q. & correctus. In C. Festus emendatus. Singulæ hæ litteræ, quando natæ. quid conueniant, quid discrepent? & plura Grammatici pulueris.

CAP. XIV. De litteris D. & T. Huius vitiosum hodie in parte sonum esse: nec iuari à falso Papyrio. An T, Viuum significauerit? Isidorum fortean correxerim. Lapidibus data lux.

CAP. XV. De sex litteris facillimæ pronunciationis iunctim dictum. N à Græcis aut Latinis sæpè omitti: sed malè.

CAP. XVI. De litterâ S, quæ multis veterum inuisa, & culpata. A nobis ea releuatur. Romani quàm crebrò vsurparint, & pænè ante omnes litteras? X crucem referre. quædam de variâ crucium figurâ. Artemidorus, & Maximus & Isidorus Episcopi illustrati. De litterâ Z, & ordine omnium soni.

CAP. XVII. Ad Accentus transitum. eorum in Pronunciatione utilitas, siue Necessitas. Definiuntur, diuiduntur.

INDEX CAPITVM.

CAP. XVIII. De Tenoribus propriè . quibus alijs nominibus dicti? quid sint? quotuplices sint? Definiti omnes , & notulis suis insigniti . De Sigmæ formâ per occasionem dissertum vberiùs.

CAP. XIX. Accentus olim nec Latinis nec Græcis scriptitatos esse . lapides, qui adserere videbantur, reiecti aut aliorum tracti.

CAP. XX. De Legibus Tenorum, quas Grammatici tulerunt. Eas promptas facilesque esse . à Fabio benè & strictè comprehensas . Plura in Notis quæ ad rei totius lucem.

CAP. XXI. Moris in Tenoribus prisca indagatio haud obuia . Legibus

& Acumine suo presserunt Grammatici. Quædam tamen ex ijs eruta contra leges . Non videri Tenores semper accommodatos ad sillabæ modum.

CAP. XXII. Laquei & velut ænigmata hac in re soluta. Agellij multis locis immissa lux. item Festi, Victorini, ante omnes Ciceronis. ostensum de litteris eos loqui, non de sillabis. Tu lege, vide, disce aut doce.

CAP. XXIII. Clausula operis. Votum , vt hæc locum vulgò reperiant : quod facile , si velint pueritiæ doctores . Res ipsa honesta , & utilis in primis ad originationes vocum.

FINIS INDICIS.

A P P R O B A T I O.

DI A L O G V S *iste de Rectâ Pronunciatione linguæ Latinæ, à I. Lipsio clarissimo Academiæ Louaniensis Professore conscriptus, præter voluptatem, hanc quoque utilitatem adfert, quòd non prisca modo libris, verumetiam lapidibus, & lucem immittat & correctionem adhibeat.*

Guilielmus Fabricius Nouiom. Apostolicus ac
Regius librorum Censor.

R A T I O

R A T I O

PRONVNCIANDI LITTERAS

EX MARTIANO CAPELLA.

MARTIANVS Capella formationem litterarum ad hunc modum exsecutus est:

- A, sub hiatu oris congruo solo spiritu memoramus:
- B, labris per spiritus impetum reclusis edicimus:
- C, molaribus super linguæ extrema appulsis exprimitur:
- D, appulsu linguæ circa superiores dentes innascitur:
- E, spiritus facit linguâ paullo pressiore:
- F, dentes labrum inferius deprimentes linguâ palatoque dulcescit:
- G, spiritus cum palato:
- H, contractis paulum faucibus ventus exhalat:
- I, spiritus propè dentibus pressis:
- K, faucibus palatoque formatur:
- L, linguâ palatoque dulcescit:
- M, labris imprimitur:
- N, lingua dentibus appulsa collidit:
- O, rotundi oris spiritu comparatur:
- P, labris spiritus erumpit:
- Q, appulsu palati ore restricto:
- R, spiritum linguâ crispante corraditur:
- S, sibilum facit dentibus verberatis:
- T, appulsu linguæ dentibus impulsis excluditur:
- V, ore restricto labrisque promulis exhibetur:
- X, quidquid C & S formauit, exsibilat:
- Y, appressis labris spirituque procedit:
- Z, verò idcirco Appius Claudius detestatur, quòd dentes mortui, dum exprimitur, imitatur.

EX TERENTIANO MAVRO.

Nunc singula quam possideant in ore sedem,
Ictusque suos concipiant, & vnde rumpant,

Vocalium
soni.

Vt qui uero versu blaterabo Sotadeo.
A prima locum littera sic ab ore sumit;
Immunia rictu patulo tenere labra,
Linguamque necesse est ita pendulam reduci,
Vt nixus in illam valeat subire vocis,
Nec partibus ullis aliquos ferire dentes.
E quæ sequitur vocula dissona est priori,
Quia deprimit altum modico tenore rictum,
Et lingua remotos premit hinc & hinc molares.
I porrigit ictum geminos prope ad ipsos,
Minimumque renidet supero tenuis labello.
O Graiugenum longior altera est figura,
Alter sonus, atque temporum nota variata.
Compendia nostri meliora crediderunt,
Vocalibus ut non nisi quinque fungeremur,
Productio longis ut daret tempora bina,
Correptio plus tempore non valeret vno.
Hinc ita minus scribimus, hinc & supremum,
Vnâ quoniam sat habitum est notare formâ,
Pro temporibus quæ geminum ministrat vsum.
Igitur sonitum reddere cum voles minori,
Retrorsus adaptam modicè teneto linguam:
Rictu neque magno sat erit patere labra.
At longior alto tragicum sub oris antro
Molita, rotundis acuit sonum labellis.
Y quam memorant, vocibus auia est Latinis;
Vocalibus autem quoniam iugata Græcis,
In nostra etiam verba dabat frequenter vsum.
Subiecinus illam, cui nomen V dederunt,
Vocalem sonantes sibi quæ iugaret omnes,
Et sola sonum redderet ex suâ figurâ,
Quem scribere Graius, nisi iungat OT, nequibit:
Hanc edere vocem quoties paramus ore,
Nitamur ut O dicere, sic citetur ortus:
Productius autem coeuntibus labellis,
Natura soni pressior altius meabit.

Iam cetera, non ordine quo solent, loquemur:
 Verum ut cuique est proximitas loci, soni ve.
 Ne dicta prius me subigat referre rursum
 Vicinia vocum, modico dirempta puncto.
 B, littera, vel P, quasi syllabæ videntur,
 Iunguntque sonos de geminâ sede profectos:
 Nam muta iubet portio comprimi labella:
 Vocalis at intus locus exitum ministrat.
 Compresio porro est in utrâque dissonora:
 Nam prima per oras etiam labella figit,
 Velut intus agatur sonus: ast altera contrâ
 Pellit sonitum de medijs foras labellis.
 Utrumque latus dentibus adplicare linguam
 C presius urget, sed & hinc hincque remittit,
 Quo vocis adhærens sonus explicetur ore.
 G porro retrorsum coit, & sonum prioris
 Obtusus ipsi propè sufficit palato.
 At portio dentes quoties suprema lingue
 Pulsauerit imos, modiceque curua summos;
 Tunc D sonitum perficit, explicatque vocem.
 T, quâ superis dentibus intima est origo,
 Summâ satis est ad sonitum ferire linguâ.
 K perspicuum est littera quod vacare possit;
 Et Q. similis: namque eadem vis in utrâque est.
 Quia qui locus est primitus unde exoritur C,
 Quascumque deinceps libeat iugare voces,
 Mutare necesse est sonitum quidem supremum:
 Refert nihil, K prior, an Q fiet, an C,
 Aut G quoque, vel C, simili parique lege
 Addi, quasi desit, numero potest priorum.
 Nulli dubium est, faucibus emicet quod ipsis
 H littera, siue est nota, quæ spiret anhelum.
 Quin hanc etiam Grammatici volunt vacare,
 Quia non adicit litterulis nouum sonorem:
 Sed Græcula quedam scholice nitela vocis
 Vocalibus apta, sed anteposta cunctis:

*Haestas, hederas, cùm loquor, Hister, hospes, huius;
 Solum patitur quattuor ante consonantes:
 Græcis quoties nominibus Latina forma est,
 Si quando choros, Phyllidas, Rhamnes, thyma, dico.
 Septem reliquas hinc tibi voce semiplenas,
 Vix lege solutus poterit ponere sermo:
 Has versibus aptè quoniam loqui negatur;
 Instar tituli fulgidulâ notabo milto.*

F.

*Imum superis dentibus adprimens labellum
 Spiramine leni, velut hirta Graia vites,
 Hanc ore sonabis modò quæ locata prima est.*

L.

*Adversa palati superâ premendo parte,
 Obstansque sono, quem ciet ipsa lingua nitens,
 Validum penitus nescio quid cogit mire,
 Quo littera ad aures veniat secunda nostras,
 Ex ordine fulgens cui dat locum sinopsis.*

M.

At tertia clauso quasi mugit intus ore.

N.

*Quartæ sonitus fingitur usque sub palato,
 Quo spiritus anceps coëat naris & oris.*

R.

*Vibrat tremulis iectibus aridum sonorem,
 Has quæ sequitur littera.*

S. X.

*———— Mox duæ supremae
 Vicina quidem sibila dentibus repressis
 Miscere videntur; tamen iectus, ut priori*

*S promptus in ore est; agitur pone dentes
Sic leuis, & vnum ciet auribus susurrum.
Mixture secunda geminum parat sonorem:
Quia C simul & quæ prior est iugando nisum,
Retrorsus adactam solidant premuntque vocem.*

EX VICTORINO AFRO.

A, littera rictu patulo, suspensâ, neque impressâ dentibus linguâ enunciatur.

E, represso modicè rictu oris, reductisquæ introrsum labijs effertur.

I, semiclusso ore, impressisquæ sensim linguâ dentibus, vocem dabit.

O, vt E, geminum vocis sonum pro conditione temporis promit. qui correptum enunciat, nec magno hiatu labra referabit, & retrorsum actam linguam tenebit: longum autem productis labijs, rictu tereti, linguâ arcti oris pendulâ, sonum tragicum dabit. Cuius obseruationis & in E litterâ similis pænè ratio est.

V, litteram quoties enunciamus, productis & coëuntibus labris efferemus.

B, & P, litteræ dispari inter se oris officio exprimuntur. nam prima, explosio è medijs labijs sono: sequens compresso ore, velut introrsum attracto vocis ictu, explicantur.

C, etiam & G, sono proxima, oris molimine nisiquæ dissentiant. nam C, reductâ introrsum linguâ, hinc atque hinc inter molares surgens, hærentem intra os sonum vocis excludit: G, vim prioris, pari linguæ lapsu palato suggerens, leniùs reddit.

D, & T, linguæ sublatione ac positione distinguuntur. nam cum summos atque imos coniunctim dentes supremâ sui parte pulsauerit, D, litteram exprimit. quoties autem sublimatâ partem, quâ supernis dentibus est origo, contingeret, T, sonore vocis explicabit.

K, & Q, vtramque exprimi faucibus, alteram distento, alteram producto rictu manifestum est.

F, litteram inum labium supremis imprimentes dentibus, reflexâ ad palati fastigium linguâ leni spiramine proferemus.

L, validum nescio quid per partem palati, qua primordium dentibus superis est, linguâ trudente, diducto ore personabit.

At M, impressis inuicem labijs, mugitum quemdam, intra oris specum attractis naribus, dabit.

N verò, sub conuexo palati linguâ inharrente, gemino naris & oris spiritu explicabitur.

Sequetur R, quæ vibratione vocis in palato, lingua fastigio fragorem tremulis ictibus reddit.

Duæ supremae S, & X, iure iungentur; nam vicino inter se sono, attracto sibilant ictu: ita tamen, si prioris ictus pone dentes excitati ad medium lenis agitur: sequentis autem, crasso spiritu hispidum sonet, qui per coniunctionem C, & S, quarum & locum implet, & vim exprimit, ut sensu aurium ducamur, efficitur.

Z, apud nos vltima, in quâ non sonus littera sed vocabulum, & duplex syllaba est.



PRIVILEGIUM CÆSAREVM.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IVSTO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudetiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram sequè dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessus sumus, inprimis pertinere existimamus. Cum itaque ab iis, quorum nobis spectata fides, qui quæ iudicare de Litteris possint, acceperimus, insignes te animi ingenique tui dotes tibi à natura inritas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adè & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue versaris, flores colligere, concinnare, quibus Lectores mirificè recrees, & eorum pectus ad prudentiam probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, B. bliopolarum,

aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, vti tria vt minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solùm eiusmodi libris, tibi, hæredibusve tuis, auxilio Magistratus, vbicunq. reperti fuerint, vendicandis, priuari, sed triginta etiam Marcharum auti puri mulcta, cuius semissis quidem Fisci nostri Procuratori, fraudis vindicæ alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiàmve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscunque modis coerceri curent, ni & ipsimet grauissimam nostram in se conuerrere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacra Cæsarea M^{ti} proprium.

Io. Baruitius.

Additum sigillum Cæs. M^{ti} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IVSTI LIPSI Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has Inferioris Germaniæ ditiones importet, venalesve habeat. Qui secus faxit, præter librorum confiscationem, triginta marcharum auri puri illatione mulcabitur. Vti latius patet in litteris, datis Bruxellæ, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Navarra Rex Christianissimus, singulari privilegio sanxit, nequis per vniuersos Regnorum suorum fines, IVSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulcabitur; vti latius patet in litteris, datis Parisiis, XIII. Iulij, M. DC. V.

Signat.

Perrochel.


Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti DE RECTA PRONVNCIATIONE LINGVÆ LATINÆ DIALOGVM, quem postremò recensui, typis tuis excudas ac diuulges. Ne quis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.

ANTVERPIÆ,
EX OFFICINA PLANTINIANA,
APVD IOANNEM MORETVM.
M. D C. I X.







SPECIAL	87-B
PA	20914
8545	V.5
A6	Boundw
1602	87B 2262
V.5	2262



JUSTI LIPSIJ
OPERA

T O M.
V.

ANVERPIÆ
1602